



類函
二三



卷四
八帝王
四九
十帝王

4加3
42.7
29



門 4 3
第
卷



此係八明治
卅八年八月
卅月廿八日
卅郎君田資
所購以贈



淵鑑類函卷四十八

帝王部九

帝誕
幼智

奇表
潛晦

帝系
殷憂

帝誕一

增冊府元龜曰帝王之生必有休應豈非天命所屬歷數斯在警生靈之耳目為天飛之兆朕者乎故神祇幽贊靈物保護冥符夢感昭啓聖跡紛綸雜遝觸類而長諒不可談悉矣歷代而下質文斯變緣情之禮隨時而作亦以極臣子之誠顯邦家之慶紀乃誕日崇乎美名由是陳宴享之禮洽魚藻之歡設桑門之饌修福田之事公卿士庶為節物以相遺諸侯牧守奉貢珍而來觀

斯亦一時之盛觀百王之所不易者矣 **原**榮氏曰人

皇兄弟九人生於荆馬山身九色 帝王世紀曰燧人

之世有大人跡出雷澤華胥履之生庖犧氏於成紀也

增拾遺記曰庖犧所都之國有華胥之洲神母遊其

上有青虹繞神母身久而方滅即覺有娠歷十二年而

生庖犧又遁甲開山圖曰仇夷山四絕孤立太昊之治

伏羲生處 **原**帝王世紀曰神農氏母曰妊姁有喬氏

之女名女登遊於華陽有神龍感女登於常羊生炎帝

又曰黃帝母曰附寶見大雷繞北斗樞星照郊野感

附寶孕二十月生黃帝於壽丘 又曰少昊母曰女節

黃帝時有大星如虹下流華渚女節夢接之意感而生

少昊是為元龜 河圖曰生 **增**休子曰少昊生於穉華

之渚其渚一旦化為陵鬱鬱蔥蔥焉 **原**帝王世紀曰

顓頊母景僕蜀山氏女為昌意正妃謂之女樞金天氏

之末孫光之星貫月如虹感女樞幽房之宮生顓頊於

若水首戴干戈 春秋合誠圖曰堯母慶都出觀三河

奄然陰風赤龍與慶都合生堯 又曰赤帝之精生於

翼 詩含神霧曰慶都與赤龍 帝王世紀曰陶唐之世

握登見大虹意感生舜於姚墟 尚書帝命驗曰姚氏繼

星之精而 又曰禹母有莘氏曰志是為修己山行見

帝十部 淵源頭約卷四十八 帝誕

流星貫昴意感慄然又吞神珠意故胃坼而生禹蜀王本紀
曰禹母含珠孕禹坼而生於塗山 開山圖注云女
狄暮及石紐山下泉中得月精如雞子愛而吞之遂孕
十四月 史記曰帝嚳少妃有娥氏女簡狄以春分元
鳥至之日祀於高禘有元鳥遺其卵簡狄吞之孕生契
為殷始祖列女傳曰簡狄者帝嚳之少妃有娥氏之女
浴於元丘之水有元鳥銜卵而墜五色簡狄
得而吞之 又曰帝高陽氏元妃姜嫄見大人之跡履
之欣然若感而生后稷棄之寒冰之上鳥翼覆之又棄
之隘巷牛羊乳之又棄之平林之上人收養之為周始
祖 楚辭注云禹治水時自化為熊以通輶轅之道塗
山氏見之而慙遂化為石時方孕啓禹曰歸我子於是

石破北方而啓生其石在嵩山 帝王世紀曰主癸之
妃曰扶都見白氣貫月意感以乙日生湯故名履字天
乙是謂成湯 金樓子曰成湯母感狼星之精又感
黑龍而成 春秋元命苞曰姬昌蒼帝之精位在房
心 宋均注曰蒼 帝王世紀曰漢昭靈后名含始遊浴
池有玉雞銜赤珠出刻曰玉英吞此者王含始吞之生
高祖 史記曰高祖母嫪毐息大澤之陂夢與神遇時雷
電晦冥父太公往視見交龍於上已而有娠遂生
高祖 漢書曰高祖薄姬夢龍據其胃以告帝帝曰是
貴徵也遂生文帝 漢武內傳曰景帝坐崇方閣上
有丹霞起赤龍盤棟間使王夫人居之改為猗蘭殿後

帝 帝王世紀卷百十八 帝誕

王夫人夢日生武帝 漢武故事曰王皇后納太子宮
得幸有娠夢日入懷 **增**漢紀曰昭帝十四月而生立
堯母門 前漢書曰孝成帝母王皇后生帝於甲觀畫
堂 **原**東觀漢記曰光武父欽令濟陽有武帝行宮上
將生欽開後殿居之時有赤光之異室中盡明 搜神
記曰初孫堅夫人孕而夢月入其懷既而生策及權在
孕又夢日入其懷以告堅曰昔妊策夢月入我懷今也
又夢日入我懷何也堅曰日月者陰陽之精極貴之象
吾子孫其興乎 **增**魏文帝生時有雲氣青色圓如車
蓋覆其上 **原**晉中興書曰中宗元皇帝初誕有神光

之異一室盡明所藉臺如始刈 **增**宋符瑞志曰武帝
居在丹徒始生之夜有神光照室其夕甘露降於墓樹
皇考以高祖生有奇異名為奇奴皇妣既殂養於舅氏
改為寄奴焉 北魏紀曰道武母賀氏初因遷徙遊於
雲澤既而寢息夢日出室內寤而見光自牖屬天欬然
有感生帝於參合陂北其夜復有光明 又曰孝文母
李夫人皇興元年八月戊申生於平城紫宮神光照於
室內天地氛氳和氣充塞 又曰宣武母高夫人初夢
為日所逐避於牀下日化為龍繞已數匝寤而驚悸既
而有娠生帝於平城宮 南史曰梁武帝母張氏嘗夢

抱日已而有娠遂產帝 又曰初后嘗於室內忽見庭前萑蒲生花光彩照灼非世中所有后驚視謂侍者曰汝見否對曰不見后曰嘗聞見者當富貴因遽取吞之是月產高祖將產之夜后見庭內若有衣冠陪列焉南史紀曰梁孝元帝母阮修容在采女次侍始褰戶幔有風回裾武帝意感幸之夢月隨其懷中遂孕生帝時舉室中非常香有紫胞之異武帝奇之 隋紀曰高祖母呂氏生高祖於馮翼般若寺紫氣充庭有尼來自河東謂皇妣曰此兒所從來甚異不可於俗間處之尼將高祖舍於別館躬自撫養皇妣嘗抱高祖忽見頭上角

出徧體鱗起皇妣大駭墜高祖於地尼自外入見曰已驚我兒致今晚得天下 唐紀曰高祖生於長安是日紫氣充庭神光照室 又曰太宗在孕而語聲達於外后心異之將誕育后不之覺而太宗已生有慶雲見彌漫數里上屬於天二龍戲於門外水中經三日乃沖天而去 唐書曰太宗貞觀二十年十二月謂長孫無忌等曰今日吾生日世俗皆爲樂在朕麟成感傷詩云哀哀父母生我劬勞何以劬勞之日更爲燕樂乎 唐實錄曰明皇帝以垂拱元年八月五日生於東都開元十七年丞相源乾曜張說上表曰少昊著流虹之感商湯

本元鳥之命陛下二氣合神九龍浴聖月惟仲秋日在
端五常星不見之夜祥光照室之朝請以為千秋節著
之甲令布之天下咸令宴樂羣臣以是日獻甘露醇酎
上萬歲壽酒王公戚里進金鏡綬帶士庶以結絲承露
囊相遺問邨社作壽酒宴樂名為賽白帝報田神上明
元天光啓大聖下彰皇化垂裕無窮帝手詔報曰當朕
生辰卿等請為令節上獻嘉名自我作古是為美事依
卿來請宣付所司帝誕日為令節自此始舊唐書曰明皇在東
宮為太平公主所忌后時方娠太子密謂張說曰用事
者不欲告多息胤恐禍及此婦人密令說懷去胎藥而

入太子於曲室躬自煮藥醺然似寐夢神人覆鼎如是
者三太子異之以告說說曰天命也無宜他慮既而后
果生肅宗即位後號天成地平節柳氏舊聞曰肅宗
吳皇后坐父事没入掖庭開元二十二年明皇幸忠王
邸見王服御蕭然傷無勝侍選掖庭宮人以賜之而吳
后在籍中頃之后侍寢厭不寤吟呼若有痛氣不屬者
良久方寤肅宗問之后手掩其左脇曰妾向夢有神人
長丈餘介金操劍謂妾曰帝命與汝作子自左脇以劍
沒而入腹痛殆不可忍肅宗驗之於燈下若有縫而赤
者存焉遂生代宗冊府元龜曰代宗生於東都上陽

宮之別殿明皇幸溫湯有望氣者云宮中有天子氣明
皇即日還宮是夜帝降誕 唐實錄曰穆宗七月六日
降誕尚書左丞韋綬請誕日百官詣光順門先賀皇太
后然後上皇帝壽書之史冊光示萬古帝欣然納焉其
後竟以降誕受賀禮無所據罷之 又曰文宗朝中書
門下奏云陛下馭三統之元膺千年之運當誕聖之日
爲河清之祥夫四時成歲百穀成實必在首冬用成神
化請以十月十日爲慶成節是日於宮中奉迎太皇太
后與昆弟諸王盛陳宴樂羣臣詣延英門奉觴上千萬
歲壽州府置宴一日上悅從之 宋受命錄曰太祖生

於洛陽夾馬營初太祖母杜氏夢日入懷而孕生之夕
神光照室胞如菡萏被五色三日不變異香馥郁經月
不散人因號其地爲香孩兒營 宋史曰太宗母杜氏
夢神人捧日以授已而有娠遂生帝於浚儀官舍是夜
赤光上騰如火闔巷聞有異香 又曰宋仁宗母李氏
夢一羽衣之士跣足從空而下云來爲汝子明年生仁
宗仁宗幼年每穿履屨即亟令脫去嘗徒步禁中皆呼
赤脚仙人蓋古之得道李君也 元符宮石刻曰真宗
嘗遣左璫詣茅山祈嗣遇王真人言王真人已降生於
宋朝璫問王真人本是何人曰古燧人氏章懿亦夢羽

衣數百人從一仙官自空而下曰此託生於夫人及仁宗生宮中火光燭天始行步嘗持槐木簡以箸鑽之真宗問何用曰試鑽火爾帝顧謂妃曰異人之言信不虛矣宋史事實曰英宗濮王允讓子也生於宣平坊赤光滿室或見黃龍遊室中初王夢兩龍與日竝隳以衣承之復戲於室中其一龍視王曰吾非王所能有後仁宗立為皇子又曰神宗生於濮王宮羣鼠吐五色氣成雲武夷志曰當神宗之未生也武夷山道士吳懷玉有道術指武夷君像曰歲在戊子降為人主又指魏王像曰三十有八載當繼世御極撫平四海後其語皆

驗方輿勝覽曰宋建守陳覺民過武夷山詩升真洞口接天門靈草丹桃日日春聽說列仙來瑞世三朝德業在斯民蓋真宗神宗哲宗皆武夷仙真應世故有三朝德業之句湖海新聞曰韋后初生高宗時夢金甲神人自稱錢武肅王即錢鏐也年八十一高宗亦年八十一卜都錢塘事不偶然宋史事實曰孝宗太祖七世孫也父秀王母張氏母府君擁一赤羊來遺之曰以此為識已而有娠以建炎元年生於秀州杉青牖之官舍紅光滿室如日正中遼史曰太祖母蕭氏夢日墮懷中有娠及生太祖室有神光異香體如三歲兒即能

帝王部

淵鑑類函卷四十八

帝誕

匍匐 名山藏曰當皇妣娠夢黃冠授一丸有光吞之
覺而口尚聞香明日生太祖於土地祠中白氣貫空異
香經宿祠中神驚避數里 又曰明宣宗始生之夕成
祖夢高帝授以大圭命曰傳之子孫永世其昌

帝誕二

增華渚

姚墟

華渚少昊所生
姚墟舜所生

赤龍

元鳥

赤龍堯

元鳥契

流星

乙日

湯生於乙日

星精

日角

星精

湯之瑞

日角漢高祖

一

丹陵

若水

王元長曲水序

若水之

舊注曰堯生丹

五麟

七鳳

光武生赤光照室

影如五麟七鳳

鶴

算山呼

唐昭宗誕日表曰年

同鶴算壽比山呼

社鳴

河清

運命論

曰里社

鳴而聖人出黃
河清而聖人生

電繞樞

星貫月

電繞樞黃帝之瑞
星貫月顓頊之瑞

日入懷

龍盤棟

日入懷宋太祖之瑞
龍盤棟漢武帝之瑞

獻金鏡

賜錦袍

唐開元千秋節王公戚里進金鏡
唐明宗應聖節賜宰臣錦袍香囊手

怡酒

王者興

聖人出

孟子曰五百年必有王者興
揚子曰或問五百年而聖

人出有諸曰堯舜禹君臣也
而並文武周公父子也而處

倚蘭殿

堯母門

門漢昭帝事

鉤弋宮

尚冠里

尚冠里

漢昭帝生於鉤弋宮
漢元帝生於尚冠里

尚冠里

麟德講經

曲江賜宴

唐德宗貞元十四年召儒冠沙

俱詳帝誕

麟德講經

曲江賜宴

唐文宗八年慶成節賜

後類江河同歸於海帝大悅

紫氣

神光

神光武帝之瑞
紫氣

經宿

五緯聚奎

宋太祖生與香經宿不散

宋乾德

帝部

帝部

帝誕

生 芎蒲花生 靈芝葉茂 芎蒲花生 梁武帝事詳見

后榻下生靈芝四十二年 玉雞 金龍 宋仁宗誕降郭

宋英宗之瑞 獻千秋鏡 奏無逸篇 唐書張九齡於

俱詳帝誕一 高宗天中節張俊奏無逸篇 宋 九龍浴聖 五緯聯

光 九龍浴聖 唐明皇千秋節表 列山神井 南頓嘉

禾 光 玉斗儲算 金篋賜齡 樞紐薦符 句芒錫

爵 玉海 帝王有真瑞應流虹之始 天地開泰慶

逢彌月之良 得位得名得壽坐鎮皇圖 如岡如阜

如山增繇神算 紫微為天子居但勤端拱 華封祝

聖人壽更願多男 雲關觚稜徒切瞻天之想 露囊

金鑑益殫報上之誠 亨昊儲休光輔億萬年之祚

聖神間世適符五百歲之期 奉玉卮之壽常拜手於

周行 上金鑑之書第馳心於魏闕 當萬岳三呼之

旦 歌周王萬壽之詩 曉望五雲之彩共抃舞於西

清 夜瞻列宿之文喜輝騰於南極 五百里侯五百

里甸正切葵傾 八千歲春八千歲秋第勤椿祝 以上

帝誕三

原有娥方將帝立子生商 誕彌厥月先生如達 不

圻不副無以無害 生此文王 篤生武王 履帝武

敏歆以上並生於翼下堯產於良辰履大人跡

燧人氏又后稷白氣貫月成姚氏從華感樞注曰從生也

生重華而修己感流星禹感蛇而生女登感神帝

黃雲覆蓋堯詳雷電晦冥漢高修己吞神珠禹

舍始吞赤珠漢高元鳥銜卵契二十月生黃帝

十四月堯帝生赤光照室青雲如蓋魏文夜

有赤光武生有神光宋武黃帝生壽丘顓頊生

若水庖犧生成紀夏后生塗山文王生岐山

武王生元氏神農生石穴帝堯生石乳禹生石

紐啓生碨石嘉禾九穗光橐草成禾鳳皇來

集光武甘露降樹宋武帝以上增日逐北魏宣抱

日梁武紫胞梁考承露囊唐明神覆藥鼎唐肅

胞如菡萏宋太赤脚仙人宋仁宗以上諸道獻

珍唐代宗永泰二年誕降日諸節三世丁年宋高宗

張考宗生於丁卯光明耀腹元史曰

楊誠齋詩曰誕辰三世總丁年乳三子季

母曰阿蘭履有光明耀腹一乳三子季

藏日瑞又兒其後子孫蕃盛遂有天下

帝誕四

增表唐獨孤及肅宗天長節進鏡表曰當白露戒序之

秋是黃河澄清之日臣幸逢佳節願展微誠謹進二鏡

帝誕

帝誕

帝誕

一獻聖皇一獻陛下伏以聖皇執契垂化有如金玉之
式陛下時乘御天騁飛龍於國步故以金龍飾鏡以表
聖德伏冀纖塵莫翳朗鑒常懸挂仙臺如日之升含萬
物無私不照 唐文宗慶成節表曰帝王有必著之祥
神靈無虛應之兆所以電繞樞極氣感虹流元鳥祚商
赤光啓漢考驗今古章焯圖書伏惟陛下馭三統之元
膺千年之運當誕聖之日爲河清之祥元律應期乾宮
以之定位開冬戒節水德表其靈長道若合符事光載
籍請以十月十日爲慶成節積嘉祚於元命慶延洪於
昌期上表中興之耿光次復開元之盛典 昭宗嘉會

節賀表曰臣聞聖人受命天必降其殊靈王者應生國
必蒙其介祉故華渚有流虹之異元樞呈大電之祥而
皆近感神明遠符乾象叶千年而啓運契六合以居尊
伏惟陛下德邁方圓道融三五因社鳴而正位逢井聚
以樂推值清明馭氣之時當仁壽悅隨之始固可同年
鶴算比歲山呼永符垂拱之風長保後天之慶 後唐
李愚末帝清泰元年誕降日表曰改朔體元固聖主之
能事良辰嘉會亦化俗之大端蓋周人有合宴之儀漢
代有賜酺之律所以詠歌皇德啓迪人情至若泛菊高
臺遂號重陽之節流杯曲水永爲上巳之遊在昔偶行

於今不改豈足比君臨四海運應千年畫璿圖而敬授
民時秉玉燭而節宣和氣身為律度德合乾坤仰惟樞
電之祥最是寰區之樂願從人欲特創節名伏惟陛下
動遵典法克叶祖宗方今玉燭高懸璿樞廣運告成功
於朝社正大禮於宮闈是以舞干率服於三苗班瑞雍
熙於萬國今獻歲元正之月是倚蘭降聖之辰梅花暎
雪於上林椒酒迎春於祕殿江邊野老願鑿輅之時巡
陌上遊童醉堯尊而獻祝謂於是月特舉節名副與人
共樂之言致率土交歡之義 馮道晉少帝啓聖節表
曰大電繞樞哲后繼羲農之運五星聚井真人啓文景

之基昌圖允洽於千年嘉號宜光於載誕不有稱述曷
顯休明伏惟陛下玉律調元金華啓旦上帝錫九齡之
夢適人間下武之詩德洽無爲民知有慶當大雨時行
之日乃常星不見之辰將歡寓縣之心竊效華封之祝
請以六月二十七日爲啓聖節著於甲令告彼萬方使
地角天涯望南山而祝壽九州四海仰北極以傾心誠
乖致主之功輒敢稱君之美 後漢隱帝嘉慶節表曰
色變長瀾肇皇靈之寶構光流華渚開聖緒於瑤圖莫
不慶洽同文光照大象刻玉波汭於鳳紀鳴金聽振於
洪猷所以灝氣凝空編爲令典神光燭夜允叶昌期伏

惟陛下守位以仁繼明以德化敷有感慶洽無疆當九龍浴聖之辰是五緯聯光之夕凡蒙地載共戴天長周世宗天清節表曰壽丘降跡爰符出震之期里社應祥式契承乾之運頃觀舊史抑有彝章幸當載誕之辰仰奉延洪之號陛下道超九聖祚啓千齡紹文武之耿光比成周之迪哲自登大寶益顯聖功運龍韜而親御戎車仗金鉞而立平寇賊破幽并之妖孽救澤潞之生靈觀兵而直抵晉陽奮武而遠臨代北飲至纔逾於旬日覃恩已被於八方四塞關山漸息煙塵之警萬邦臣妾咸登仁壽之鄉今則候屬澄河時當降聖是申觀懸

弧之日乃銅律禦戶之時鰈水鷓林望堯雲而獻祝桓圭穀薊趨禹會以駿奔叨遇休明俱塵祿位荷君父巍巍之德伸臣子縷縷之誠祇肅典謨尊奉宸極請以九月二十四日爲天清節所冀金相玉振貞寶曆以彌新地久天長煥青編而不朽宋周必大賀天申節表曰天生民而立之君茂啓中興之運臣歸美以報其上共欣夙戴之期伏惟陛下配德乾坤合明日月御赫赫炎炎之祚成巍巍蕩蕩之功欣樞雷之呈祥舉華夷而賴慶嚴恭寅畏而自度已迪哲於四人虛靜恬淡而無爲方成純於萬歲臣猥司外閫阻造近班使富使壽而多

男願上堯封之祝宜人宜民而受祿載賡周雅之章
宋趙汝談瑞慶節賀表曰社鼓斗樞赫聖朝之誕節川
珍嶽貢湊良月以畢來惟君萬邦受天百祿伏惟陛下
凝旒思道畢服圖功恢大德以保民而遠人爭致順附
殫小心於事帝而否數轉為嘉祥率土謳歌望雲祈戴
願躡九皇之軌歲稱萬壽之觴臣屬在外司阻班庭賀
獻書金鏡老非翰墨之才通表銀臺遠有韶鈞之夢
朱熹賀聖節表曰盛德當陽光啓重熙之運羣心就日
樂推歸美之誠有開繞電之祥敢罄祈天之禱恭惟陛
下慶流有衍德合無疆膺曆數以在躬垂衣裳而致治

接黃帝推莢迎日之統以莫不增過周家定鼎卜年之
期自今其始臣承流支郡幸際昌辰鼇忭千官班阻趨
於文石萬呼萬歲祝敢後於華封 宋史文昌賀聖節
表曰穹昊儲休光輔億萬年之祚聖神間世適符五百
歲之期鶉佳氣於乾坤溢歡聲於朝野恭惟陛下河清
應運雷繞降祥勤儉本於性資忠厚循乎家法福全洪
範符周后之歷年莢受秦元藹漢家之永世與天齊久
如日方升臣職守藩符籍通禁彙曉望五雲之彩阻班
賀於西清夜占列宿之文喜輝騰於南極 方岳賀聖
節表曰惟天數五正淵獻之孟陬聞嶽呼三增泰元之

神英星樞明潤海宇清夷恭惟皇帝受命溥將躋民仁
壽華夏蠻貊罔不率登茲太平國家閒暇及是時所其
無逸祥開甲觀春在寅階臣幸假熊馮嘗陪獸舞河千
里一曲雖遠京師京二首六身但欣歲紀 危翼齋賀
瑞慶聖節表曰數盈良月正天地之清明瑞紀流虹極
山河而輝映臣工抃舞海表謹呼恭惟皇帝心廣慈仁
化行恭儉光啓重離之運慶申初度之辰克全堯舜之
聰明相傳一道將復文武之境土紹開中興臣再拜皇
華恭逢誕節五雲影轉望切近於蓬萊萬歲聲傳祝實
同於嵩岳 李劉賀天基節表曰正月始和觀象越二

三之日皇天眷命飛龍乘九五之時百祿是宜四方來
賀恭惟皇帝聰明淵懿篤實光輝體乾之元首庶物而
寧萬國乘震以出轉一氣而開八荒瑞宿應於虹流曆
誕增於鳳紀臣仰瞻北極遙頌南山蜀道青天身況居
於蜀徼華陽黑水祝請效於華封 李梅亭賀天基節
表曰虞帝生於甲子衍鼎盛之春秋周伯見於丙丁麗
離明之日月俶開鎬宴肇聽嵩呼恭惟陛下聖武神文
剛健篤實五百慶千秋之節博觀金鑑之篇三朝受四
海之圖始御五觴之享混九州而共貫斂五福以誕敷
臣將指雪邊傾心日表祠雞蜀道粗知蜀父老之情歸

馬華山尤切華封人之祝 方烏山賀天基節表曰龍
尾伏辰當良月肅清霜之候虹祥流渚適真人下丹極
之期鼎祚山安衢謠海溢恭惟陛下澤覃萬宇統接千
齡納物象於熙和含生豐泰成治功於易簡取法乾坤
日升月常風行雷動寅畏自度於昭享國之祥靜樂難
名益見爲仁之壽臣拱瞻極北留繫周南豹尾雲垂第
馳神於漢殿虎驂霞泛等祝算於華封 元李之紹賀
聖節表曰寶曆建元協重華之嘉運瑤光貫月開上聖
之貞符盛德在秋昊天有命恭惟陛下聰明稽古孝友
根心丕顯文謨端拱巖廊之上達觀新邑式均道里之

中揆震宿之昌辰卜豐穰於今歲璇璣肇紀玉斗儲祥
臣等肅謹班聯遙瞻粹穆宣昭鴻業載賡七月之詩耆
定武功願上萬年之雅 鄧文原賀聖節表曰天開景
運篤有道之曾孫雷繞神樞受介福於王母觚稜瑞靄
闔闔牖傳恭惟陛下誕紹鴻圖丕承駿命至仁育物得
秋而萬寶成盛德在躬居所而衆星拱當立經陳紀之
始爲施仁發政之規郊廟肇禋朝野胥樂臣等名叨玉
署目極璇霄廣文王有聲之詩載歌律呂衍殷宗無逸
之壽虔祝華嵩 虞集賀聖節表曰春回正月律和舞
鳳之庭日浹芳甸瑞紀流虹之渚縟儀游舉治象更新

恭惟陛下盛德在躬至仁育物紫微華蓋煥乎經緯之
為章朱草醴泉妙與生成而合化天開壽域人樂熙辰
臣等弱翰無功清光有赫對揚休命絲綸緝黼黻之文
歌頌永年簡冊載衣裳之治 明袁煒賀萬壽節表曰
皇天昭特眷開貞元妙合之昌期聖主握靈圖會曆象
希逢之奇數際中秋而臻誕節適同日而遇景躔應聖
神永命之符洽臣庶齊天之祝恭惟皇上心涵太始道
貫重元以日月為光以雨露為澤以雷霆為威二儀總
歸於闔闢以陰陽為瑞以四時為柄以星辰為紀萬化
咸屬於網維敬授人時順五行而調六氣欽若天道齊

七政以敘九功甘雨屢祈而應祈靈貺昭孚於夏序太
陽當食而不食麻祥疊現於朔辰信至德卓冠於無倫
斯元機聿彰於曠世茲者律諧南呂瑞啓上旬屆震夙
之期協休徵之旦歲在酉而月亦在酉候正金衡誕輪
丁而度亦輪丁光聯玉緯電虹煥彩清秋耀毓聖之祥
木火通明紫極注常生之照雖巧曆莫窮其祕實上帝
默運其樞自生民以來未有妙於今日惟聖人首出獨
能合乎先天是造化千百年之積久儲而始發我皇上
億萬載之紀不占而有孚矣臣等叨列九曹懽逢二慶
仰誕辰之創見知遐齡配二極以長存瞻景度之非常

卜聖算後三光而難老集衣冠於萬國共稱北斗之觴
率拜舞於千宮永獻南山之頌伏願佩珍符而久視御
玉曆以常安格太清奠太寧丕顯太平於有象斂萬福
享萬祿彌昌萬壽於無疆

增頌唐于邵降誕頌序曰皇唐八葉之中興提天綱披
寶圖臨八紘俯萬物垂鴻儲休粵十有七年元冬陽月
旬外三日天子居北堂左个受厥初之慶自予弼暨羣
官丞令咸歸休澣則歌康衢樂壽域者具百姓之歡心
乃有司諫掌綸之臣當右掖分宵之直望閭闔沐熏風
齋心以虔稽首獻頌其詞曰甲光畫堂繞樞神光十月

良月降生我皇焜殊祥兮纘武繼文時惟聖勲格苗戡
黎爲天下君望如雲兮蒼蒼海隅達我天衢七戎蠢狄
西殲北徂外無虞兮白翟遐通嘉禾薦豐兩樹連理五
雲飛空歸大同兮金闕峨峨清晨伊何萬國筐篚千門
詠歌歆太和兮舜膳以甘堯尊以酣誕彌之朔旬而有
三湛恩覃兮南山於前北辰於天臣某獻壽維億萬年
象帝先兮

增詩唐明皇千秋節詩曰蘭殿千秋節稱名萬歲觴風
傳率土慶日表繼天祥玉宇開花萼宮懸度會昌衣冠
白鷺下鸞幕翠雲長獻遺成新俗朝儀入舊章月銜花

綬鏡露綴綵絲囊處處祠田祖年年宴杖鄉深思一德
事小獲萬人康 張說奉和千秋節詩曰五德生王者
千齡啓聖人赤光來照夜黃雲上覆辰海縣銜恩久朝
章獻壽新高車帝座出來道衆官陳襲仗洗晴景磬管
凝秋旻珠囊含瑞露金鏡抱遷輪何歲無鄉飲何田不
報神熏歌與名節傳代幸羣臣 張說皇帝降誕日集
賢殿賜宴詩曰仲秋金帝起五日玉行昭瑞表壬寅露
光傳甲子宵陰風吹大澤夢日照昌朝不獨華封老千
年喜祝堯 王維奉和聖製天長節賜宰臣歌應制曰
太陽升兮照萬方開閭闔兮臨玉堂儼冕旒兮垂衣裳

金天淨兮麗三光彤廷曙兮延八荒德合天兮禮神徧
靈芝生兮慶雲見唐堯后兮稷禹臣匝宇宙兮華胥人
盡九服兮皆四鄰乾降瑞兮坤獻珍 王維獻壽詞曰
宮殿參差列九重祥雲瑞氣捧階濃微臣欲獻唐堯壽
遙指南山對袞龍 劉兼長春節詩曰聖朝佳節遇長
春跪捧金爐祝又焚寶藏發來天地秀兵戈銷後帝皇
尊太平基址千年永混一車書萬古存更有馨香滿芳
檻和風遲日在蘭蓀 元王暉萬壽節出左掖門詩曰
禁漏穿花夜已央宮槐籠曉色蒼蒼殷勤一點東華日
先到紅鸞扇影光 隔夜端門分版位平明簪笏列鸞

行紫雲低覆千官拜潤入金爐百和香 羯鼓聲高吹
管清九天合作鳳鸞鳴侍儀贊喝三成後磬折齊呼萬
壽聲 花映巖廊近紫宸宮官行酒過三巡共攜滿袖
香煙出散作都城十日春 對品分班玉筍行一時望
拜殿西廂百官燕出宮闈靜疎雨濛濛溼建章 明高
啓聖壽節早朝詩曰天啓聖圖昌流虹叶夢祥飛龍起
江左戰馬放山陽御柳垂閭闔仙桃熟建章遠人陳貢
篚近侍温爐香金鏡千秋錄瑤池萬歲觴小臣歌拜手
堯日正舒長 于慎行萬壽聖節賜白金文幣及鏤金
萬壽福祿篆字銀書黃朱靈符等物紀恩詩曰華渚祥

開禁籞天恩光每覺近臣偏函加白璧來天上錦散紅
雲出日邊裁就靈符華舜旦鑄成寶畫記堯年銜恩効
祝慙無補金鑑先時獻御筵

增致語明費宏萬壽聖節致語曰五百年而生聖哲不
承莫大之基八千歲以為春秋茂衍無疆之慶方高張
於鎬宴共遙聽於嵩呼海宇均歡神人胥悅恭惟陛下
聰明睿智齊聖廣淵應曆挺生有電繞虹流之瑞受天
眷命協龍飛虎變之占運際豐亨年方鼎盛誕敷聖德
舞千羽者兩階盡撫周邦執玉帛者萬國維此長生之
節蓋當極治之時郁郁祥雲常盤旋於紫禁蔥蔥佳氣

每簇擁乎彤闈大開錦繡之筵彷彿瑤池之會龍笙鳳
管頻催萬壽之觴火棗交黎迭獻千年之果敘箕疇之
五福應華祝之三多純佑益隆繇延不替家家戶戶喜
壽域之弘開歲歲年年保聖躬之康泰

奇表一

原河圖曰蒼帝望之大視之博白帝望之明視之義

又曰蒼帝方面赤帝圓面白帝廣面黑帝深面 帝王

世紀曰庖犧氏蛇身人首有聖德 王延壽魯靈光殿賦曰伏羲蛇身女媧蛇

軀 **增**拾遺記曰庖犧長頭修目龜齒龍脣眉有白毫

鬚垂委地 **原**帝王世紀曰帝女媧氏風姓也亦蛇身

人首一曰女希 又曰神農氏人身牛首 春秋命歷敘曰有神人名

石年蒼色大眉戴玉理注玉理猶玉英神農也 又曰黃帝龍顏 又曰帝顓

項首戴于戈 又曰帝嚳母不覺而生駢齒有聖德 春秋

元命苞曰帝嚳戴于盾是謂清明宋均注曰于盾也 又曰堯母曰慶都孕十四

月而生堯於丹陵名曰放勳烏庭荷勝眉有八采豐下

銳上 尚書大傳曰堯八眉八采是謂通明歷象日月璇璣玉衡

春秋合誠圖曰赤帝之為人視之豐長八尺七寸 又曰舜目重瞳故名重華

春秋元命苞曰舜重瞳子是為滋涼宋均注滋涼有滋液之潤且清涼光明而多見

重瞳大口手操象電多精光也大口象斗屋口也

注曰帝嚳有得表如日者也權讀鍾鑿鍾乎輕重者也

握石椎知璇璣之道也懷神珠喻聖智也 又曰伯禹虎鼻大口兩耳參漏

首戴鈎鈐冑有玉斗足文履已故名文命字高密身長

九尺二寸 洛書曰有人出石夷握地代戴成鈎懷玉斗

子如北斗 尸子曰禹長頸鳥喙面 又曰成湯豐下

目亦惡矣天下從而賢之者好學也

銳上皙而有顙倨身而揚聲長九尺臂四肘 春秋元命

是謂神肘 洛書黑帝 又曰文王四乳是謂含良蓋

子湯長八尺一寸珠庭 又曰文王四乳是謂含良蓋

法酒旗布恩舒明 酒者乳也能乳天 又曰文王昌龍

顏虎肩身長十尺冑有四乳 春秋合誠圖曰蒼帝之為

人望之廣視之專而長九 春秋元命苞曰武王駢齒是謂剛強宋均注曰

重齒以為表 左傳王子朝使告諸侯曰定王六年

秦人降祆曰周其有顙王亦克能修其職至於靈王生

而有顙王甚神聖無惡於諸侯 原河圖提劉曰帝季

日角戴勝斗冑龜背龍股長七尺八寸明聖寬仁好士

春秋孔演圖曰其人日角龍顏姓卯金含仁義 史

記曰為人隆準而龍顏美鬚顙左股有七十二黑子

漢書曰昭帝諱弗陵武帝子也母趙婕妤本以有奇異

得幸及生帝亦奇異 又曰宣帝足下有毛居臥數有

光耀 東觀漢記曰光武隆準日角大口美鬚眉身長

七尺三寸 又曰建武四年皇子陽生豐下銳上顏赤

色有似堯上以赤色名之曰陽年十三通春秋上循其

顙曰吳季子 魏書曰明帝天姿秀出立髮垂地

原吳志曰孫權字仲謀漢以孫策遠修貢職遣使者劉
琬加錫命琬語人曰吾觀孫氏兄弟雖各才秀明達然
皆祿祚不終惟中弟孝廉形貌奇偉骨體不恒有大貴
之表又最壽策薨以事授權江表傳曰孫堅為下邳
丞時權生方頤大口目有精光堅異之以為貴相及堅
亡策起事江東權常隨從性度弘朗仁而多斷好俠養
士晉書曰宣帝有狼顧之相魏武欲驗之乃召使
前行令反顧面正向後而身不動原晉中興書曰中
宗元皇帝諱睿字景文世祖咸寧二年生於洛陽及長
白毫生日角之左眼有精曜唯侍中譙國嵇紹少而異

之謂其友曰琅邪王毛骨非常殆非人臣之相晉書曰武帝初拜撫軍大將軍文帝欲以弟攸為嗣何曾
等曰中撫軍聰明神武乃超世之才髮委地手過膝非
人臣之相也後魏書曰道武帝目有光曜廣額大耳
後周書曰太祖身長八尺方顙廣額美鬚顙髮長委
地垂手過膝背有黑子宛轉若龍之形面有紫光南
史紀曰梁武帝生有異光狀貌殊特日角龍顏垂岳虎
顧舌文八字項有浮光身暎日無影兩髀駢骨項上隆
起有文左右手曰武帝兒時能蹈空而行隋書曰文
帝為人龍顏額上有五柱入頂目光外射有文在手曰

王周文帝見而歎曰此兒風骨不似人間人開皇三年
陳遣使來聘陳主知帝之貌異常令使潛畫帝相而歸
唐書曰高祖體有三乳左腋下有紫誌如龍隋上食
奉御郭道弘善相言曰天中伏犀下接如眉此非人臣
之相願深自愛 舊唐書曰高祖之在岐州太宗時年
四歲有書生自言善相謁高祖曰公貴人也且有貴子
見太宗曰龍鳳之姿天日之表年將二十必能濟世安
民高祖懼其言泄將殺之忽失所在因以世民命名
唐書曰肅宗為忠王時張說曰嘗見太宗寫真圖忠王
英姿秀發奇表非常實類聖祖乃社稷之福也 後唐

書曰莊宗為嬰兒體貌奇特年十一入觀獻捷唐昭宗
一見駭異之曰兒有奇表乃撫其背曰兒將來勿忘忠
孝於予家 又曰末帝長七尺餘方頤大顙材貌雄偉
初在藩時洛陽市人王安善相見之曰形如毗沙門天
王非常人也 後漢書曰高祖面紫色目睛白多而有
光 後周書曰太祖頂上有肉角 通鑑曰宋太祖容
貌雄偉 天中記曰宋真宗左足指有文成天字 遼
史曰太祖豐上銳下目光射人 金世祖紀曰世宗鬚
顙長過其腹胷間有七子如北斗形 名山藏曰明太
祖日章天質鳳目龍姿聲如洪鐘奇骨貫頂 又曰明

憲宗廣額豐頤方面大耳目睛如漆光彩射人

奇表二

原慮羲連珠 春秋歷 神農戴玉 命序 伏羲龍狀 重華

日衡 羅書靈 戴天履陰 豐下銳上 湯成 帝嚳戴干

唐堯荷勝 堯眉八采 舜目重瞳 握袞履已

舜手握袞字 帝堯鳥庭 大禹虎鼻 紫額 白毫

禹足文履已 顓頊重脅 帝嚳駢齒 禹耳三漏 湯

臂四肘 日角 斗胃 俱漢高祖 **增** 隋文帝五柱入頂

唐高祖伏犀接眉 金世宗曾羅北斗 明太祖聲若

洪鐘 以上俱詳奇表一

奇表三

原太昊蛇形人首 鬚垂委地 伏羲 太帝人身牛首

懷玉柄 戴玉英 神農 神農大眉 春秋歷 顓頊駢幹

堯長十尺 孔子叢 履翼 堯 鬚長七尺 堯 舜長六

尺 帝王世紀 帝舜斗口 契神 湯長九尺 倨身揚聲 湯成

周文望羊 周文長八尺三寸 虎肩 鳥鼻 陰

準 四乳 俱文王 武王駢齒 春秋元 長頸鳥喙 越王

長目鳥喙 秦始皇虎口 河圖 高祖長七尺八寸 河圖 龜

背龍股 漢高 美鬚額 無如季相 漢高 足下有毛

生而有髮 漢書 容貌莊麗 漢明帝 手文握兵

垂手下膝

烈昭

立髮垂地

魏明

睇盼煒如

毛骨非

常

俱晉中宗

增

體貌瓌異

魏太

風格異常

文成

襁褓

岐嶷

魏孝文帝

原龍行虎步

宋高祖

增舌文八字

梁武帝

曠日無影

梁武帝

黑子如龍

後周太祖

風骨不恒

隋高祖

手有王字

隋高祖

日角龍庭

後唐末帝

紫誌如龍

三乳

儀軌偉麗

唐明皇

形如天王

後唐末帝

眼睛多白

高祖

奇表

以上俱詳

體如三歲兒

遼史曰太祖初生體如三歲兒

項有異骨

名山藏曰明太祖為吳王時夢人

置臂於項項肉隱起有異骨焉

龍犀

辨命論曰龍犀日角帝王

天姿玉裕

文選宴宣猷堂詩

之表注曰額

上有文鬢也

不世之姿

六代論

帝系一

增冊府元龜曰夫結繩之初樸略茫昧莫獲而詳書契

之後辨姓授氏可得而記太昊之前譜牒蓋闕帝鴻之

後世緒具存司馬遷著之史記以存系表明乎受天命

膺帝期者蓋以祖宗實有茂德所以後世承乎發祥若

乃后稷播植周室於是隆興唐堯文思漢緒由其增盛

蓋瓜瓞之相屬故羅圖而有融魏晉以還方冊可考罔

不編藉先烈誕啓丕圖若乃積累之懿傳繼之盛蓋由

德有厚薄源有淺深憑舊烈者蕃衍無世資者衰替今

並考舊史披帝錄詳究厥終率用論次俾有條而不紊

庶百世而可知矣 **原**史記曰帝嚳高辛氏者黃帝之

帝系

皇極經世一

帝系

曾孫也父曰嶠極嶠極父曰元嚳元嚳父曰黃帝自元嚳與嶠極不得在位 帝王世紀曰舜姚姓也其先出自顓頊顓頊生窮蟬窮蟬有子曰敬康敬康生句芒句芒有子曰橋牛橋牛生瞽瞍妻曰握登生舜 **增**冊府元龜曰大禹姒姓父曰鯀鯀之父曰顓頊顓頊之父曰昌意昌意之父曰黃帝禹者黃帝之元孫而顓頊之孫也 **原**國語曰元王勤商十有四葉而興賈逵注曰元王謂契湯之祖 **增**冊府元龜曰周姬姓其先后稷名棄其母有邠氏女曰姜嫄為帝嚳元妃出野見巨人跡踐之遂身動如孕者居期而生子是為后稷 **原**帝王

世紀曰秦嬴姓也昔伯翳為舜主畜多故賜姓嬴氏孝襄公始修霸業壞井田開阡陌天子命為伯至昭襄王自稱西帝攻周廢赧王取九鼎至莊襄王滅東西周莊襄王崩政立為始皇 又曰漢出自帝堯劉姓也豐公生執嘉即太上皇也 東觀漢記曰世祖光武皇帝高祖九世孫出自長沙定王定王生春陵節侯春陵本在零陵郡節侯孫孝侯以土地下溼元帝時求封南陽蔡陽白水鄉因故國名曰春陵 **增**魏志曰太祖姓曹名操字孟德漢相國參之後祖騰漢桓帝時為中常侍大長秋封費亭侯養子嵩嗣官至太尉莫能審其生出本

帝王

開監類卷四十八

帝系

末嵩生太祖

曹瞞傳云嵩夏侯氏子夏侯惇之叔父太祖於惇為從父兄弟也

冊府

元龜曰魏文帝受禪後給事中博士蘇林董巴上表曰

魏之氏族出自顓頊與舜同祖 吳志曰孫堅字文臺

吳郡富春人蓋孫武之後也 晉書曰宣帝諱懿字仲

達姓司馬氏其先出自帝高陽之子重黎為夏官祝融

歷唐虞夏商出守其職及周以夏官為司馬其後程伯

休父周宣王時剋平徐方錫以官族因而為氏漢楚間

司馬昂為趙將與諸侯伐秦秦亡立為陰王都河內漢

以其地為郡子孫遂家焉自昂八世生征西將軍鈞鈞

生豫章太守量量生潁川太守雋雋生京兆尹防帝即

防之第二子也 齊書曰太祖諱道成漢相何二十四

世孫也何孫侍中彪免官居東海蘭陵郡子孫遂家焉

梁書曰高祖諱衍蘭陵中都里人漢相國何之後皇

考諱順之齊高帝族弟也參與佐命封臨湘侯 陳書

曰高祖諱霸先吳興長城人漢太丘長陳寔之後也世

居潁川寔元孫準晉太尉準生臣臣生達永嘉南遷歷

官太子洗馬出為長城令悅其山水遂家焉 北魏書

曰黃帝有子二十五人或內列諸事或外分荒服昌意

少子受封北國有大鮮卑山因以為號黃帝以土德王

北俗謂土為拓謂后為跋故以為氏其裔始均逐女魃

於弱水北帝舜命爲田祖爰歷三代以及於秦不交南
夏是以載籍無聞焉積六十七世至成帝諱屯立統國
三十六大姓九十威振北方莫不率服歷十三傳至聖
武帝諱詰汾常率數萬騎田於山澤歛見輜輶自天而
下有美婦人曰我天女也受命相偶遂同宿且請還曰
明年周時後會於此言終而別及期帝至先所遊處果
復見天女以所生男授帝曰此君之子善視之子孫相
承當世爲帝王語訖而去即始祖神元皇帝也 後周
書曰太祖姓宇文氏諱泰其先出自炎帝炎帝爲黃帝
所滅子孫遁居朔野有葛鳥菟者雄武多算略鮮卑慕

之奉以爲主其後裔孫曰普回因狩得玉璽三組有文
曰皇帝普回以爲天授其俗謂天曰宇因號宇文國並
以爲氏焉 隋書曰高祖姓楊氏諱堅漢太尉震八代
孫鉉仕燕爲北平太守鉉生元壽後魏代爲武鎮司馬
子孫因家焉元壽生太原太守惠嘏惠嘏生太原太守
烈烈生寧遠將軍禎禎生忠忠即皇考也皇考從周太
祖起義關西賜姓普六茹氏 唐書曰高祖姓李氏諱
淵其先出自顓頊生大業大業生女華女華生咎繇其
子孫繇歷虞夏代爲理官遂爲理氏殷末有理徵者以
直道獲罪於紂子利貞逃難於伊侯之墟食李實得全

又改為李氏周時有李重耳字伯陽為柱下史道家稱
老君秦將李信即其後也信曾孫廣為漢將廣十六葉
孫暉為涼武昭王暉生歆歆生重耳重耳生熙鎮武川
遂家焉熙生天錫天錫生虎佐周有功周閔帝受魏禪
虎已卒追封唐國公虎生昞昞生仁仁生高祖 唐鑑
曰高祖武德三年晉州人吉善行自言於羊角山見白
衣老父曰為吾語唐天子吾為老君吾而祖也詔於其
地立廟 冊府元龜曰晉高祖姓石氏本衛大夫碭之
後至漢奮自河內徙家長安與子慶等德位俱盛時號
萬石君漢衰關輔亂子孫西徙有居甘州者四代祖璟

仕唐為朔州刺史二代祖柳祖昱任振武防禦使考紹
雍仕後唐官至洺州刺史 後周總論曰郭威自以為
周室之裔號叔之後滅漢代立而建國曰周 通鑑曰
宋太祖諱匡胤姓趙氏涿郡人四世祖眺唐幽都令生
挺唐御史中丞挺生敬涿州刺史敬生弘殷周檢校司
空岳州防禦使弘殷娶杜氏生帝於洛陽夾馬營 遼
史贊曰遼之先出自炎帝世為審吉國 金史曰金之
先出靺鞨氏靺鞨本號勿吉古肅慎地也 元史曰太
祖蒙古人其十世祖孛端叉兒母曰阿蘭夜寢帳中夢
白光自天窗入化為金色神人來趨臥榻驚覺遂有娠

產一子即字端义兒也狀貌奇異沈默寡言家人謂之癡獨阿蘭語人曰此兒非癡後世子孫必有大貴者夢名山藏曰明太祖姓朱其先句容人皇祖始渡淮家泗皇考徙鍾離皇妣陳生四子帝季也

帝系二

原 繇繇瓜瓞

本支百世 帝作邦作對

並詩

增 施

於孫子

世有哲王

繩其祖武

貽厥孫謀以燕翼

子

原 后稷勤周

后稷始基

纂堯之緒 出

自唐帝

漢

增 三世舉孝廉

魏

增 聯珠寶系

海浸昌

源

唐徐彥伯中宗哀冊文曰少典之子重元之孫珠聯寶系海浸昌源

累業

吳都賦曰累業百疊

後葉

荆微賦曰又恐後葉復修前好

寶胄

奕世重光

鍾會檄蜀文

幼智一

原 史記曰黃帝姓公孫氏生而神靈弱而能言代神農

增 帝王世紀曰顓頊生十年而佐少昊十二年而

冠二十二而登帝位 **原** 又曰帝嚳生而神異自言其

名曰俊 漢書曰昔周成以孺子繼統而有管蔡四國

流言之變孝昭幼年即位亦有燕蓋上官逆謀之亂成

王不疑周公孝昭委任霍光各因其時以成名大矣哉

增 通鑑曰漢昭帝時上官桀父子與燕王旦通謀詐

令人為旦上書誣霍光出都肄郎羽林道上稱蹕擅調

帝王部

淵鑑類函卷四十八

幼智

益幕府校尉專權自恣疑有非常俟光出沐日奏之桀欲從中下其事與大臣共執退光書奏帝不肯下明日光聞之止畫室中不入上問大將軍安在桀曰以燕王告其罪不敢入詔召大將軍光入免冠頓首謝上曰將軍冠朕知是書詐也將軍無罪光曰陛下何以知之上曰將軍調校尉以來未十日燕王何以知之是時帝年十四尚書左右皆驚後桀黨有譖光者上輒怒曰大將軍忠臣先帝所屬以輔朕身敢有毀者坐之自是無敢復言 漢明帝十歲通春秋光武奇之十二為東海公天下墾田多不以實又戶口年紀互有增減詔下州郡

簡覆其事而刺史太守多不均平後諸部各遣使上奏光武見陳留吏牘上有書視之云潁川弘農可問河南南陽不可問因詰吏吏不肯服光武怒帝在幄後言曰吏受郡敕當欲以墾田相方耳光武曰即如此何以言河南南陽不可問對曰河南帝城多近臣南陽帝鄉多近親田宅踰制不可為準耳光武令虎賁將詰問吏果如帝言 **原**蜀志曰先主舍東南角有桑樹童童如小車蓋先主少時與諸宗兒戲曰吾當乘此羽葆蓋車 幼童傳曰太祖幼而智勇年十歲嘗浴於譙水有蛟來逼自水奮擊蛟乃潛退於是畢浴而還弗之言也 **增**

晉書曰明帝幼而聰哲為元帝所寵異年數歲嘗坐置膝前屬長安使來因問帝曰汝謂日與長安孰遠對曰長安近不聞人從日邊來居然可知也元帝異之明日宴羣僚又問之帝曰日近元帝失色曰何以異間者之言乎對曰舉目見日不見長安由是益奇之唐書曰明皇初封楚王年七歲因朔望朝見車騎嚴整金吾將軍武懿宗見而忌之遂擠排騎從帝訶之曰吾家朝堂於汝何事敢迫吾騎從則天聞而奇之冊府元龜曰唐憲宗六七歲時為皇孫德宗抱置膝上戲曰汝是何人乃在我懷中皇孫對曰此祇是第三天子德宗驚喜

遼史曰太祖初生即能匍匐又曰太祖雖髫髻言及世務時伯文當國有疑輒咨焉名山藏曰明宣宗數歲試之事輒剴浚稱旨成祖愛之讀書一目數行盡

幼智二

原生而能言黃帝生而言名帝產而能書隨巢子幼總百神黃帝幼而聰達帝幼克大事漢和帝茂質紀東觀漢記一岐嶷之姿晉書問南頓何在語答長安近日晉書八歲能屬文魏文是書詐也漢昭名理不減晉書幼而英悟周世宗有成人之量晉書曰成帝少而聰敏有

帝王 幼智 幼而英悟 有成人之量

成人 十歲能詩 遼聖 宗

潛晦一

原韓子曰歷山農者侵畔舜往耕暮年而耕者讓畔河濱漁者爭坻舜往漁暮年而漁者讓長東夷之陶者苦窳舜往陶暮年而器以牢 **增**通鑑曰秦始皇嘗言東南有天子氣因東遊以厭之高祖即自疑亡匿隱於芒碭山澤間 **原**漢書曰孝宣皇帝諱詢字次卿武帝曾孫戾太子孫也太子納史良娣生皇孫皇孫納王夫人生皇帝號曰皇曾孫生數月遭巫蠱事太子良娣皇孫王夫人皆遇害曾孫坐繫郡邸獄邴吉為廷尉監治巫

蠱隣曾孫之無辜使女徒乳養私給衣食至後望氣者言長安獄有天子氣上遣使皆殺之內者令郭穰夜至郡邸獄吉拒閉不得入曾孫賴吉得全因遭赦 **東觀漢記**曰光武仁智明達多權略樂施愛人在家重慎畏事勤於稼穡兄伯升好俠笑上事田作比之高祖兄仲高才好學然亦喜游俠鬪雞走馬具知閭里奸邪吏治得失時會朝請舍長安尚冠里 **增**通鑑曰煬帝以李淵相表奇異又名應圖讖忌之徵詣行在淵遇疾未謁其甥王氏在後宮帝問之曰汝舅來何遲王氏以疾對帝曰可得死否淵聞之懼因縱酒納賂以自晦 **通鑑**

帝王部

淵監類函卷四十八

潛晦

曰唐高祖初發晉陽以書招李密密自恃兵強欲為盟
主使祖君彥復書曰所望左提右挈勦力同心執子嬰
於咸陽殪商辛於牧野高祖得書笑曰吾方有事關中
若遽絕之是更生一敵也不如卑辭推獎以驕其志乃
使溫大雅復書曰天生烝民必有司牧當今為牧非子
而誰老夫年逾知命願不及此欣戴大弟攀鱗附翼惟
願早膺圖籙以寧兆民宗盟之長屬藉見容復封於唐
斯榮足矣密得書喜曰唐公見推天下不足定矣 通
鑑曰唐太宗謂于志寧曰朕年十八猶在民間民之疾
苦情偽無不知之 通鑑曰唐憲宗生光王怡怡幼時

宮中皆以為不慧太和以後益自韜匿及武宗疾篤諸
宦官密於禁中定策立怡及見百官哀戚滿容裁浹庶
務咸當於理人始知有隱德焉 怡後更名悅 即唐宣宗 名山藏
曰太祖幼孤無依託身皇覺寺為僧居兩月歲荒僧散
太祖游食江淮金斗光息間至潁道病有二紫衣同寢
食病已辭去莫知所在夜陷胡麻中遇羣童言迎駕叱
之不見

潛晦二

原潛龍勿用陽在下也 周 易 尺蠖之屈以求伸也 易 繫
以懿文德 易 **增**內文明而外柔順以蒙大難文王以

帝王部 帝 潛龍 易 卷四十八 潛晦

之易 遵養時晦詩 退藏於密易 三分天下有其

二以服事殷 **原** 舜居深山與鹿豕遊孟 隱於芒碭

史 尤樂社鄩 雷雨不迷舜 上有黑雲 告歸之

田漢 告歸鄉里 躬耕白水武 講學長安 習讀

書傳 秋冬弋獵 歸於頓丘 僦驢給費 為縣送

徒 為春陵訟租 為泗上亭長漢 為洛北簿尉

一年成聚 三年成都 **增** 隱德唐 宣帝詳 多務韜

晦通鑑 周世宗在 淮右布衣明 太祖曰予本淮右布

殷憂

原 帝王世紀曰夏桀無道臯諫者湯使人哭之桀囚湯

使於夏臺而後釋之諸侯由是咸叛桀附湯同日貢職

者五百國三年而天下咸服 竹書紀年沈約注云王

嘉季歷之功錫之圭瓚桓曾九命為伯既而執諸塞庫

季歷困而死因謂大丁殺季 又曰執季歷於塞庫羈

文王於玉門鬱扼之情辭以作歌其傳久矣 帝王世

紀曰文王雖在諸侯之位襲父為西伯紂既囚文王文

王之長子曰伯邑考質於殷為紂御紂烹以為羹賜文

王曰聖人當不食其子羹文王得而食之紂曰誰謂西

伯聖者食其子羹尚不知也 琴操曰文王備修道德

百姓親附文王有二子周公武王皆聖是時崇侯虎與

帝王部

淵盤類函卷四十八

殷憂

文王列爲諸侯德不及文王常嫉妬之乃譖文王於紂曰西伯昌聖人也長子發中子旦皆聖人也三聖合謀君其慮之乃囚文王於羑里將欲殺之於是文王四臣散宜生等周流海內經歷豐土得美女二人水中大貝白馬朱鬣以獻於紂陳於中庭紂立出西伯文王在羑里時演易八卦以六十四作鬱厄之辭困於石據於蒺藜乃申憤以作歌曰殷道混混浸濁煩兮朱紫相合不別分兮迷亂聲色信讒言兮炎炎之虐使我愆兮幽閉牢竄由其言兮邁我四人憂勤勤兮漢書曰宣帝始立謁見高廟大將軍光參乘上嚴憚之若芒茨在背後

張安世代光參乘天子從容肆意甚安晉中興書曰惠帝幸臨漳中宗從駕是時中宗叔父東安王繇爲成都王穎所害懼禍及謀出奔其夜月明禁衛甚嚴不能得去有頃天暴風雨晦冥微者四散中宗因得脫晉陽秋曰簡文帝雖登阼內不自安初熒惑入太微尋廢海西公至是熒惑猶在太微帝惡之謂郗超曰命之修短大所不計故無復往日事耶超云大司馬溫方內固社稷外布經略非常之事臣以百口保之超假還東帝謂之曰致意尊公家國之事遂至於此由吾不能以道匡樹思患預防媿歎之深言何能喻又誦庾闡詩云士

痛朝危臣哀主辱泣下霑衣漣如相續 **增**通鑑曰唐太宗曰武德六年以後高祖有廢立之心而未定我不為兄弟所容實有功高不賞之懼 又曰後唐廢帝千春節置酒晉國長公主上壽畢辭歸晉陽唐主醉曰何不且留遽歸欲與石郎反耶石敬瑭聞之益懼 又曰宋太祖一日朝罷坐便殿不樂者久之左右請問其故曰爾謂為天子容易耶早間乘快誤浚一事故不樂耳 又曰元仁宗御嘉禧殿謂侍臣曰卿等以朕居帝位為安耶朕惟太祖創業艱難世祖混一區宇兢業守成恒憂不能當天心繩祖武使萬方百姓樂得其所固非

卿等所知也 名山藏曰明太祖諭羣臣曰古之賢君常憂治世其臣亦憂治君然賢臣之憂治君者君常安賢君之憂治世者世常治今土宇日廣人民雖蕃久困未蘇予心未嘗忘憂卿同吾憂國福至矣不然禍敗隨之 又曰建文時成祖為燕王齊泰黃子澄等日夜謀防燕因以工部侍郎張昺為北平布政使謝貴為北平都指揮監燕燕王佯狂為涇舌稱病甚昺貴入問燕王病王重裘擁爐見之猶顫

殷憂三

原履重剛 蒙大難 果行育德 安不忘危 履虎

帝下部

明倫彙編卷四十八

殷憂

三

尾俱易

增涉春冰

凜乎若朽索之馭六馬

慄慄

危懼若將隕於深淵

沐惕惟厲

中夜以興

俱書

明王三懼

韓詩外傳孔子曰明王有三懼一曰處尊位而恐不聞其過二曰得志而恐驕三曰聞天下之至道而恐不能行

原

或多難以固邦國

或殷憂以啓聖

明

憂而不困

或憂而光

繫夏臺

囚羸里

文王

執於塞庫

季王

羈於玉門

文王俱詳

丙吉乳養

漢宣

帝詳潛

張賀供給

智勇俱困

亡失家屬

漢高祖

持滿外向

鉅期奮戟

稱漢使者

漢高祖

馳入韓信

漢高祖

稱使者入傳舍

以冰飲水

對竈炙衣

光武

蕪萋豆粥

溲沱麥飯

光武

平城為匈奴所圍

漢高帝

河陽為津吏所止

晉中興書

丁公接兵

漢高帝

曹洪授

馬魏武

乘馬得脫

論典

泣而升車

晉中興書

增芒茨在

背漢宣帝詳

毛髮灑淅

通鑑唐宣宗即位李德裕奉冊既罷上謂左右曰適近我

者非太尉耶每顧

乘驢車

宋太宗與遼戰帝大敗乘驢車走免

夜不

重裘擁爐

明成祖詳

安枕

明太祖謂羣臣曰念天下之廣生民之多憂懸於心夜不安枕

殷憂

淵鑑類函卷四十八

帝王部

淵鑑類函卷四十八

殷憂

四十一

Blank columns for text on the right page.

淵鑑類函卷四十九

帝王部十 登庸 祥瑞 創業 應運

登庸一

虞帝王世紀曰少昊姬姓也降居江水邑於窮桑以登帝位都曲阜故或謂之窮桑即圖讖所謂白帝朱宣者也又曰顓頊有聖德父昌意雖黃帝之嫡以德劣降居若水諸侯及顓頊生十年而佐少昊十二而冠二十登帝位 若水春秋曰帝顓頊生自 又曰帝嚳姬姓也有聖德十五而佐顓頊三十而登帝位都亳 又曰帝堯十五而佐帝摯受封於唐為諸侯身長十尺嘗夢天

上之故年二十而登帝位 尚書舜典曰慎徽五典五典克從納于百揆百揆時敘賓于四門四門穆穆納于大麓烈風雷雨弗迷帝曰咨爾舜詢事考言乃言底可績三載汝陟帝位 尸子曰舜一徙成邑再徙成都三徙成國堯聞其賢徵之草茅之中與之語禮樂而不逆與之語政至簡而行與之語道廣大而不窮於是妻之以媼媵之以娥九子事之而託天下焉 尚書大禹謨曰受命于神宗率百官若帝之初從舜初授帝政事奉行之 周書曰湯放桀而歸于亳三千諸侯大會湯取天子之璽置之於天子之座左復而再拜從諸侯之位湯曰此天子

之位有道者可以處之矣夫天下非一家之有也有道者之有也故天下者惟有道者理之惟有道者宜處之湯以此三讓三千諸侯莫敢即位然後湯即天子之位 史記曰高祖與諸侯兵共擊項羽項羽敗而走使騎將灌嬰追殺羽東城正月諸侯尊漢王為皇帝 又曰孝文皇帝初立為代王都中都高后崩呂產等欲為亂以危劉氏大臣共誅之使人迎代王代王問左右郎中令張武張武等議願大王稱疾以無往觀其變中尉宋昌進曰羣臣議皆非也今高帝子獨淮南王與大王大王又長賢聖仁孝聞於天下故大臣因天下之心而欲

迎立大王大王勿疑也廼命宋昌參乘張武等六人乘傳詣長安馳入代邸代王西鄉讓者再遂即天子位漢書曰霍光廢昌邑王賀奏遣宗正德至尚冠里舍洗沐賜御衣太僕以軫獵車奉迎曾孫就齋宗正府封爲陽武侯羣臣上璽綬卽皇帝位晉中興書曰愍帝爲劉粲所沒中宗素服出次舉哀三日於是百僚稱上尊號帝固讓百僚又固請中宗慨然流涕曰吾本琅邪王諸賢見逼不已乃呼私奴命駕將返國羣臣不敢復逼乃求依魏晉故事爲晉王許之愍帝崩於平陽百僚更上尊號是日卽皇帝位沈約宋書曰孝武帝諱駿字

休龍小字道民文帝第三子也元兇弒逆舉義兵克定京邑乃踐帝位增冊府元龜曰唐太宗文皇帝武德元年封秦王九年立爲太子高祖手詔司空裴寂等曰朕當加尊號爲太上皇有司擇日宜速聞奏太宗沖讓不敢奉詔朝於西宮面奏曰堯舜雖有至德有禪授之事然親攬庶政並經百年陛下以至聖之德撫有四海始有十載臣望陛下遵堯舜之道以百姓爲心高祖曰吾思此事已熟懷之已久故欲怡神以養生不欲矯情以從物若乃飾仁義務智能勞神以施號令疲形以行賞罰此矯情從物非吾心之所取也吾今方以道攝生

養性故脫屣於汝豈可嬰吾以負重哉太宗固讓弗許
遂即位於東宮顯德殿 又曰唐睿宗延和元年彗星
從西方經軒轅入太微至於大角數日乃滅睿宗以爲
革舊布新之象冊太子爲皇帝受冊悲涕左右莫不感
動又奉冊睿宗爲太上皇皇帝聽朝於武德殿上皇稱
朕有命稱誥皇帝稱予有命稱制五日一朝於上皇太
極殿唐明皇 又曰唐肅宗明皇帝第三子開元二十六
年立爲皇太子天寶十五載安祿山犯長安明皇幸蜀
將發馬嵬百姓數百人遮道攀附明皇遲留久之乃命
皇太子殿後宣諭百姓百姓因請皇太子留高力士馳

告明皇明皇曰是天啓也乃命後軍及飛龍廢馬與東
宮內人等留太子因宣口敕謂將士曰太子仁孝可奉
宗廟汝等善輔導之太子旣至靈武羣臣請遵馬嵬傳
言之命勸進以七月甲子即位 通鑑曰周恭帝元年
鎮定二州言遼北遼連兵入寇周主遣殿前都點檢趙
匡胤率禁兵禦之癸卯發汴京是夕次陳橋驛都指揮
使石守信等相與謀曰主上幼弱我輩出死力破敵誰
則知之不如先立點檢爲天子然後北征黎明軍士擐
甲執兵直逼寢所曰諸將無主願策太尉爲天子匡胤
驚起披衣未及對黃袍已加身矣衆即羅拜呼萬歲掖

之上馬擁逼還汴乃攬轡誓諸將曰汝等自貪富貴立我爲天子能從我命則可不然不能爲若主也皆下馬曰願受命匡胤曰太后主上我北面事者不得驚犯公卿皆我比肩不得侵凌朝市府庫不得侵掠用命有重賞不然當族誅皆應曰諾遂整隊而行入仁和門秋毫無犯遂奉匡胤入宮召百官至晡時班定猶未有禪詔翰林承旨陶穀出諸袖中遂用之匡胤就庭北面拜受乃升殿即皇帝位國號宋 金史太祖本紀曰元年正月壬申羣臣奉上尊號是日即皇帝位上曰遼以賓鐵爲號取堅也賓鐵雖堅終亦變壞惟金不變不壞金之

色白完顏部色尚白於是國號大金改元收國 金太宗本紀曰太祖崩羣臣固請太宗正帝位不許諸弟以赭袍被體賓璽懷中遂即帝位 元史曰太祖建九旂白旗即位於斡灘河之源 名山藏曰明太祖爲吳王時元年十二月癸巳羣臣勸進吳王辭固請固却之明日又請許之甲子祭告上帝皇祇於新宮曰天命真人來自沙漠百有餘年今運亦終天下紛爭於豪傑惟帝錫臣英賢遂戡定之今輿地周迴二萬里臣下曰生民無主必推臣帝臣不敢辭亦不敢不告是用以明年正月四日設壇鍾山之陽惟帝祇之簡在如臣可君祭日

天澄氣和臣若不可當示異焉 又曰明成祖兵入金川門諸王羣臣請即天子位三勸進乃謁孝陵欷歔感慕攬轡回營諸王羣臣備法駕奉寶璽道迎遮擁登輦軍卒耆老萬眾夾道拜頰歡呼稱萬歲遂即位

登庸二

增撫運 乘時 唐舊禮制曰高祖撫運應期創業 御

天 立極 上見乘時注 詩經 嗣器 傳歸 宋太宗即位制曰王者繼統承統所以嗣神器也 宋英宗即位制曰

曰王者繼統承統所以嗣神器也 宋英宗即位制曰 凝旒 執契 唐李嶠元日朝賀表曰凝旒而天啓其

執契靜 靈圖 寶業 泰註靈圖天子位也 謝朓齊

二邊 靈圖 寶業 泰註靈圖天子位也 謝朓齊

履至尊 登大寶 賈誼過秦論曰履至尊而制六合

承天心 正王位 前漢谷永傳曰明王即位

一民心 承天曆 千寶

御籬圖 傳芝 千寶

張寶圖 朝會諸 武革命

侯 尊為天子 柳宗元塗山銘曰夏后氏順承天曆

王者符 踐天子位 然何以能乘時龍而御天哉 孟

終陟元后 俾作神主 曆數在爾躬汝終

帝王部 登庸

帝王部 登庸

帝王部 登庸

帝王部 登庸

帝王部 登庸

帝王部 登庸

帝王部 登庸

帝王部 登庸

帝王部 登庸

帝王部 登庸

帝王部 登庸

陟元后商書伊尹曰 順天應人 膺期撫運易革

湯武革命順乎天而應乎人 晉元帝紀劉 正位凝

命 握紀御符易鼎卦曰 君子以正位凝命 李百藥

雲龍風虎 朝觀謳歌易乾卦曰 雲從龍 風從虎 聖

觀者不之堯之子而之舜謳歌 聰明嗣位 曆數在

躬堯典曰 咨爾舜 天之曆數在爾躬 惟皇得一 承

帝嗣武皇經唐明 法五始之要 垂萬世之基王褒

春秋法五始之要注曰 五始者一元二春三王四正月

五公即位後漢馮異傳曰 周勃迎代王黜少帝垂萬

世之 推五運而陟崇高 步三微而膺曆數李嶠上

副遺大投艱之託 昭繼志述事之功 天啓昌

期御蘿圖而出震 人瞻粹表負黼宸以當陽 御六

龍而乘乾君臨大寶 斂五福而作解慶洽寰區 薦

之天暴之民蓋非人力 襲其爵行其道實本心傳上

俱出翰苑新書 星輝海潤方肇啓於青宮 地闢天開遂不

膺於赤紀宋張千湖賀 天佑而作之君啓堯舜之相

授 父有而傳之子續文武之重光 當龍飛之會幸

親逢六位之乘 伸虎拜之恭願永享萬年之壽俱出

翰苑新書 登庸三

原或躍在淵易 歷試諸艱 任之百官以觀其外舜

帝王部 皇極真約卷四十九 登庸

敷于四海禹 推為盟主 都督陝東 君子經綸

天地革命 肇基王迹 王化之基 承百王之弊

大統未集 開建大業 自亂入靜 撥亂反正

功業見乎變 有事而後可大 威光大成 生民造

化 誕受多方 克鄴西土 克開厥後 受天之命

無立錐之地 無十戶之聚 不階尺土之資 不

階一民之柄 起於三河興於七十尚書中候 湯里七十

春秋孔 增端拱垂裳 昭哉嗣服詩下 嗣無疆大

曆服書大 飛龍在天易乾 聖人作而萬物覩易乾

主器易曰主器者 度宗文選曲引曰正位度宗詩曰

天時人事東漢鄧禹曰歷觀往古聖人 奄宅區夏

唐元稹上 當位嗣統賈至唐肅宗即位冊文 嗣守

皇業唐德宗即 負宸君臨虞世南唐高 登庸受錄

裴士海唐肅 安安天位陸機宴宣猷堂詩 緝熙帝

圖任助王文 景屬宸居顏延年曲水詩序註

創業一

顏峻始學篇曰人皇氏兄弟九頭依山川土地之勢

裁度為九州各居其一方 禮舍文嘉曰燧人氏始鑽

木取火炮生為熟令人無腹疾 易曰神農氏作斲木

為耜揉木為耒耨之利以教天下蓋取諸益日中為

帝王部

開益類白卷四十九

創業

市致天下之貨交易而退各得其所蓋取諸噬嗑 周
書曰神農之時天雨粟神農耕而種之作陶冶斤斧爲
耜鉏耨以墾草莽然後五穀興以助杲苾實 賈誼書
曰神農以爲走禽難以久養民乃求可食之物嘗百草
實察鹹苦之味教民食穀 **增** 冊府元龜曰黃帝始受
國於有熊氏軒轅之丘因以爲名軒轅之時神農氏世
衰諸侯相侵伐神農氏弗能征於是軒轅氏乃習用干
戈以征不享諸侯咸來賓從炎帝欲侵諸侯軒轅乃修
德振兵治五氣藝五種撫萬民慶四方教熊羆貔貅
虎以與炎帝戰於阪泉之野三戰然後得其志蚩尤作

亂不用帝命於是黃帝與戰於涿鹿之野遂擒殺蚩尤
而諸侯咸尊軒轅爲天子 **原** 論衡曰項羽與高祖俱
起威力輕重未有所定高祖誅羽難於斬鐵也武王伐
紂易於摧木也然則漢力勝周多矣湯武伐桀紂一敵
也高祖誅秦殺項羽兼勝二家力倍湯武五代之起皆
有因緣力易爲也 荀悅漢紀論曰高祖開建大業統
畢元功度量規矩不可尚矣天下初定庶事草創故韶
夏之音天下未聞焉 又曰漢高起於布衣奮劍而取
天下 **增** 通鑑趙氏曰光武初起於舂陵以烏合數千
畎畝之夫而破尋邑百萬之衆梟莽賊之首平銅馬尤

來五校青犢赤眉諸賊討隗純誅秦豐劉允彭寵張步
公孫述平一僭亂 袁崧後漢書曰世祖以渺渺之祚
起於白水之濱身屈更始之助位與羣豎並列於時懷
璽者十餘建旗者數百高才者居之南面疾足者為之
王公苕苕九州瓜分鬻割泯泯蒼生塵消鼎沸我扇之
以仁風驅之以大威霜雪被而荆棘枯網維振而逆鱗
掃羣材畢奏人鬼與能數年之間廓清四海雖曰中興
與夫創業者庸有異乎 歷年圖曰孫討逆策以童子
提一旅之眾揮馬箠以下江東耆儒宿將狼狽失據開
地千里真英才也 又曰唐高祖舉兵晉陽承亡隋之

弊席卷長驅奄有關中命將出師掃除亂略六年之中
海內咸服何成功之速哉蓋以太宗之為子也太宗文
武之才高出前古驅策英雄網羅俊乂好用善謀樂聞
直諫拯斯民於水火之中措之於衽席之上使盜賊化
為君子呻吟轉為謳歌衣食有餘刑措不用突厥之渠
繫頸闕庭北海之濱悉為州縣蓋三代以還未之有也
通鑑宋總論曰太祖斬艾蓬蒿剗削險阻以定天下
克澤潞克淮南克荆南克湖南平蜀滅漢服越取唐逆
腸叛膽消縮順嚮李淇水策曰太祖皇帝洗削禍亂臥
榻之側驅他人之鼾睡而漠然徒見山高而水清可謂

洪鐘卷四十九
救生靈塗炭之苦革叔季兵戈之禍矣孰謂太祖而非
聰明神武不殺者哉 遼史太祖贊曰東征西討如折
枯拉朽東自海西至於流沙北絕大漠威信萬里歷年
二百豈一日之故哉 金史太祖贊曰初定東京即除
遼法遼主播越宋納歲幣以幽薊武朔等州與宋而置
南京於平州宋人終不能守卒之遼主見獲宋主被執
雖功成於天會間而規模運為實自此始金有天下百
十有九年太祖算無遺策兵無留行底定大業傳之子
孫嗚呼雄哉 張四知元總論曰太祖深慮雄心遠邁
金夏之主其握乾符而起朔土躬神武以膺帝圖為後

世開業不亦甚光極美哉 又曰世祖潤色鴻業大闡
嘉猷千紀萬綱條修縷飾故能光有四海坐致太平四
振天威鉅恢土宇奮數世積累之業造一統無外之勳
鞍馬二十年間定乾坤於百戰功宏鍊石收區宇於再
麾業壯斷鼇飲滄海而一息官兵到處悉皆平夷 明
顧迴瀾曰太祖起布衣飛淮甸提金戈鐵馬燦煜中原
自和州渡江取太平路天戈一指敷天同我后之思神
武初揚四海切來蘇之望初舉而平江漢再伐而舉全
吳三征而闕越澄清四戰而周齊席卷所至民服遂取
中原拾宋掇秦拔燕掣趙東極元菟西窮玉關南抵大

夏北控陰山靡不傾心而歸命悉皆輸款以稱藩恢恢
乎仁風翔洽於垓埏威靈攝肅乎鬼蠻蓋惟應天順人
是以人歸天與聖人出而四海一氛濁埽而宇宙清社
稷山河已在眼前矣

創業二

增斗極

天關

長楊賦曰高祖奉命順斗極運天關

一侯尉於東西

合車書於南北

王融曲水詩序

斬艾蓬蒿

剡削險阻通鑑宋總

論言太祖

大舍滄海

安納泰山遠太祖

西盪河源東

澹海濬

北動幽崖

南耀朱垠東都賦

巨地稱皇

罄天作主

顏延年郊祀歌

月毳來賓

日際奉土同上

列燧

千城

通驛萬里

顏延年曲水詩序

創業三

原舜禹本白衣

高祖興白衣以布衣取天下

祭

蚩尤於沛庭

市弓弩作卑手刀

斷蛇奮旅漢高

騎

牛兵起

光武

壯士願從

賢者義附

同聲響應

望

風景從

人鬼與能

四方歸之

見龍在田易

迅

長鳴

龍飛迅風

高祖

龍變虎據

鳳翔南陽光武

鴻

飛充豫

龍飛白水光武

鳳翔參墟

虞芮質厥成文

王蹶厥生

徹彼桑土綢繆牖戶

並詩

增革命

易經湯武

革命應乎天而順乎人

兆基

文選出師頌曰兆基開業人神攸贊

締構

魏都賦曰開國

之日締

洪業

吳都賦曰建至德以創洪業

帝籙

文選功臣頌曰飛名帝籙

寶命

天璣

文選宋后哀冊文曰天璣用集寶命仰陟天璣

深根固蒂

魏都賦

流長難竭

張衡西京賦

招世貽統

顏延年三月三日詩序曰招世貽統固萬業而

王迹

化家為國

隋末唐太宗勸高祖舉兵晉陽高祖曰今日破家亡軀由汝化家為國亦

撥亂反正

肇基

由汝

宰制天下

王融謂蕭衍曰宰制天下必在此人

假翼荆楚

翻飛

梁益

華陽國志贊昭烈曰先主名微衆鮮而能龍興鳳舉假翼荆楚翻飛梁益

電掃風驅

廓清天邑

唐高祖受禪告天文

弘濟蒼生

其益多肇造區夏其

功大

混一區宇

唐書太宗

光宅中夏

秦王時言

於高祖

曰陛下聖

武龍興

光宅中夏引漢書曰破觚而為圜

斷雕利方

任昉策秀才文李善註

引漢書曰破觚而為圜

斷雕而

宅中圖大

東京賦

山高水清

歐陽修豐樂亭記曰及宋受命

聖人出而四海一向之憑恃險阻剗削

消磨百年之間漠然徒見山高而水清

山河在眼

祖詩等閒擁出扶桑日社稷山河在眼前

應運一

原

帝系譜曰地皇氏一萬八千歲以火德王

尚書大

傳曰燧人為燧皇以火紀官

左傳郟子曰炎帝以火

統官故火師而火名

譙周古文考曰大庭氏姜姓以

火德王故號炎帝

郊子曰黃帝以雲紀官故為雲師

而雲名

春秋內事曰軒轅氏以土德王天下始有堂廡高棟深宇以避風雨焉

郊子曰

我高祖少昊摯之立也鳳鳥適至故紀於鳥為鳥師而

帝于部

淵鑑類函卷四十九

應運

七

鳥名焉鳳鳥氏歷正也 又曰自顓頊以來不能紀遠
乃紀於近為民師而命以民事則不能改也 冊府
元龜曰伯禹夏后氏虞舜嬪以天下土生金故為金德
故夏后氏尚黑戎事乘驪牲用元湯伐桀踐天子位乃
改正朔服色尚白金生水故為水德戎事乘翰翰白也牲
用白周武王伐紂踐天子位水生木故為木德故周人
尚赤戎事乘騂騂馬白腹牲用騂騂赤類
曰湯受金符帝籙白狼銜鉤入殷朝 增漢書曰漢承
堯運德祚已盛斷蛇著符旗幟尚赤協於火德自然之
應得天統矣 冊府元龜曰魏文帝受禪後給事中博

士蘇林董巴上表曰魏之氏族出自顓頊與舜同祖舜
以土德承堯之火今魏亦以土德承漢之火於行運合
於堯舜授受之次遂改正朔易服色殊徽號承土行黃
初元年十二月幸雒陽以夏數得天故用夏正而服色
尚黃又詔以漢火行也火忌水故雒去水而加雒魏於
行次為土土水之壯也水得土乃流土得水而柔故除
雒加水變雒為洛明帝景初元年山荏縣言黃龍見有
司奏以為魏得地統宜以建丑之月為正於是定曆改
年服色尚黃犧牲用白戎事乘黑首白馬建太赤之旂
朝會建太白之旂 又曰晉武帝以太始元年即位二

年羣公奏唐堯舜禹不以易祚改制至於湯武各推行
數宣尼答爲邦之問則曰行夏之時輅冕之制通爲百
代之言蓋期於從政濟治不繫於行運也今大晉繼三
皇之蹤踵舜禹之迹應天從民受禪有魏宜一用前代
正朔服色皆如有虞遵唐故事奏可又曰後魏孝文
太和十四年詔曰丘澤初制配尚宜定五德相襲分敘
有常然同異之論著於往漢未詳之說疑在今史羣臣
百辟可議其所應必令合衷以成萬代之式中書監高
閻議曰臣聞居尊據極允協明命者莫不以中原爲正
統神州爲帝宅苟位當名全化迹流洽則不專以世數

爲予奪善惡爲是非故堯舜禪揖一身異尚魏晉相代
紀運少殊桀紂至虐不廢承曆之序厲惠至昏不闕周
晉之祿計五德之論始自劉向一時之議三家致別故
張蒼以漢爲水德賈誼公孫臣以爲土德劉向以爲火
德以爲水德者正以當有水溢之應則不推運代相承
之數也以爲土德者則以亡秦繼曆相即爲次不推順
逆之異也以爲火德者懸證赤帝斬蛇之符弃秦之暴
越惡承善不以世次爲正也故繼周爲火德自茲厥後
乃以爲常魏承漢火生土故魏爲土德晉承魏土生金
故晉爲金德趙承晉金生水故趙爲水德燕承趙水生

木故燕爲木德秦承燕木生火故秦爲火德秦之未滅
皇魏未剋神州秦氏旣亡大魏稱制元朔故平文之廟
始稱太祖以明受命之證如周在岐之陽若繼晉則晉
已久若棄秦則中原有寄推此而言承秦之理事爲明
驗故以魏承秦當爲土德又五緯表驗黃星曜彩考氏
定實合德軒轅承土祖木事爲著矣祕書丞李彪等議
以爲尚書閣議繼近秦氏臣職掌國籍頗覽前書惜此
正次慨彼非緒輒仰推帝始遠尋百王魏雖建國君民
兆朕振古祖黃制朔繇迹有因成此帝業神元爲首案
神元晉武往來和好至於桓穆維京破亡二帝志摧聰

勒思存晉氏每助劉琨申威并冀是以晉室銜扶救之
仁越石申代王之請平文太祖抗衡苻石終平燕氏大
造中區是則司馬祚終於邾鄉而元氏受命於雲代蓋
自周之滅及漢正統幾六十年著符尚赤雖張賈殊議
暫疑而卒從火德以繼周氏排虐羸以比共工蔑暴項
而同吳廣近蠲謬僞遠即神正若此之明也寧使白蛇
徒斬雕雲空結哉且秦并天下革創法度漢仍其制少
所變異猶仰推五運竟踵隆姬而況劉石苻燕世業促
編綱紀弗立魏接其弊自有夷典豈可易漢之承木舍
晉而爲土耶夫皇統崇極承運至重必當推協天緒考

審王次不雜以僭竊參之強矯神元既晉武同世桓穆與懷愍接時晉室之淪平文始治太廟號太祖抑亦有由紹晉金德孰曰不可而欲次茲僞僭豈非惑乎十五年侍中司空長樂王穆亮等言皇魏世王元朔下迄魏晉趙秦二燕雖地據中華德祚微淺茲獲推序於理未愜又國家積德修長道光萬載彪等職主東觀詳究圖史所據之理其志難奪今欲從彪等所議宜承晉為水德詔曰越近承遠情所未安然考次推時頗亦難繼朝賢所議豈朕能有違奪便可依為水德祖甲辰臘又曰隋開皇元年詔以初受天命赤雀降祥五德相生赤

為火色朝會之服旗幟犧牲各令尚赤戎服以黃七月帝始服黃百僚畢賀通鑑曰唐高宗即位推五運為土德色尚黃天寶九載詔曰三王繼統質文既不相襲五德乘時服色遵於所尚至於旂常改制駢翰異宜所以表國家之容合聲名之度事之大者安可因循而已焉國家膺推紐之期纂黃中之曆憲章垂範運既屬於維新旗幟同色義必在於革故頃者俯納羣議式明統緒故得天人致和風雨時若豈朕菲德克廣睿圖實累聖鴻休允膺景福稽古之大既有昭明文物所資理宜詳正其諸衛應隊仗所用緋色幡等並改為赤黃色

應運二

增天曆逐訟獄之歸 神鼎隨謳歌之去周禪隋 革

命殊乎因襲 揖讓異於干戈石闕 萬物覩聖千

載應期易經乾卦文言曰聖人作而萬物覩之期 紀劉琨上書曰陛下應受命之期紹千載之運

旂常改制 駢翰異宜唐天寶九載詔周尚赤牲用駢殷尚白戎事乘翰翰白馬

也 三分肇慶黃星之應久彰 五十啓期真人之運

斯屬唐太宗祭魏武帝文 命旅致雲屯之應 登壇有降火之

祥陸陸石闕 循五德終始之傳 三叶三統因革之義冊

元龜昭華之珍既徙延喜之玉倣歸 王歌曲水詩序

應運三

原誕膺天命以撫方夏 顧誕明命以承神武 克享

天心受天明命 皇天眷命奄有四海 皇天眷祐誕

受厥命 昊天有成命二后受之 天立厥配受命既

固 受命于天 奉若天命 用集天命 撫綏四方

式商受命奄甸萬姓 相彼成康奄有四方 集大

命于厥躬 用端命于上帝 我有右命將天明威

既受命祉施于孫子 繼明代熙配天光宅 周雖舊

邦其命維新 受終于文祖 受命神宗 聖皇應曆

數 曆數承天序 時乘六龍以御天 乘變化而御

大器 命世而出 命世之才 知帝王自有真 天

帝王部 周監貞卷四十九 應運

子之位有道者受之 上天降休帝遷明德 降命成
湯 受天永命 有命自天 自天降命 天之所啓
一有天之贊 天剖神符地命靈契 天命定爾亦孔
之固 簡畀殷命尹爾多方 達有神興有德 乃眷
西顧此惟與宅 此乃天授非人力也 諸侯同日貢
賦湯 王假有家 天命不僭 大精布耀 帝出乎
震 繼天而王 繼天施四季應五行 乘木而王木
水 天皇木德 地皇火德 伏羲木生 神農火紀
軒轅土德 顓頊水德 秦皇水德之始 湯武革
命順天應人 飛龍在天利見大人 大人虎變其文

炳也 位以飛龍文以武變 人謀鬼謀百姓與能
謳歌之聲 諸侯朝禹 抱樂器奔周 載圖書歸周
遷鼎雒邑 遷鼎均野 舜以太尉即位 即位汜
水陽 即位千秋亭 設壇受命 鳴玉設壇 龍旋
鳳時 帝始服黃隋文帝見 春皇拾遺記曰春皇
者庖犧之別號
以木德王 色尚赤黃唐天 仰協三靈 俯從億兆
故曰春皇 曆數在躬書 天統冊府元龜序曰庖
犧之王正得天統 膺
闕銘石 期受命唐高祖禪 誕命建家王融曲 五德之論始
自劉向後魏中書監 應運四

帝王部 開監頌函卷四十九 應運

稽策文唐賢良方正策問曰朕聞三微遞代哲后所以承天五運因循明王由之革命或金水而鱗次應火木以環周或寅子變正天人之統斯辨或驪駟改色昏旦之用有殊茲乃渙汗圖書昭彰曆數受位出震以迄於今莫不母子相承終始交際然而都君土德翻乃尚青天乙水行寧宜用白深明要旨其義何從若以秦氏霸基便有符於紫色則魏人鼎足豈復應於黃星緬鏡前修又以矛盾張蒼之議既頗反於公孫賈傳之談復遠乖於劉向子大夫學包羣玉文擅鏘金既聽南史之篇方佇東堂之問詳敷事實靡得浮辭對曰臣聞方圓既

闕帝王斯建四遊將六氣交馳五德與三微遞變自攝提著紀出震登皇循木火而相承用驪駟而繼作雖復武功文德揖讓干戈御旒宸以高居握圖籙而深視莫不垂天人之統順寅子之正始終之際何莫由斯暨乎運偶都君時云土德道鍾天乙數叶水行子勝母而尚青母生金而尚白略言其美斯窮奧旨至若秦居閏位紫實非正之符魏得中區黃標應星之紀未有矛盾允愜時宜漢祖承天人多異議張蒼言水而黑時方興公孫據土而黃龍復應逮二劉之父子推五運之相沿較彼前談斯為折衷

吳師道對策

帝王部

對策

應運

祥瑞一

原風角占曰福先見曰祥 字林曰禎祥也福也 禮
 記曰麟鳳龜龍謂之四靈四靈以為畜則獸不狘 又
 曰聖王用民必順故無水旱昆蟲之災民無凶饑妖孽
 之疾天不愛其道地不愛其寶人不愛其情是以天降
 膏露地出醴泉山出器車 山出銀甕丹甕之器及人象車也 河出馬圖
 鳳皇麒麟皆在郊藪龜龍在宮沼其餘鳥獸之胎卵皆
 可俯而闕也先王能修禮以達義體信以達順此順之
 實也 **增**爾雅曰甘雨時降萬物以嘉謂之醴泉 黃
 帝占云壽星色黃人主壽昌 京房易傳曰河水清天

下平 **原**禮斗威儀曰人君政訟平則祥鳳至 **增**又
 曰政太平則日五色 又曰君乘金而王則黃銀紫玉
 見 又曰君乘木而王政太平則蔓竹紫脫為之常生
 春秋緯曰君應陽君臣和得道度則日含王字 春
 秋感精符曰南至有雲迎日年豐之象 河圖龍文曰
 鎮星光明八方歸德 **原**淮南子曰天覆以德地載以
 樂樂也其時不失其序日月淑清而揚光 **增**援神契
 曰黃雲抱日輔臣納忠 又曰德至人表則景星見
 又曰德至深泉則醴泉湧 又曰天子孝則慶雲見
原白虎通曰天下太平符瑞所以來至者以為王者承

天順理調和陰陽陰陽和萬物序休氣充塞故符瑞並臻皆應德而至鍾律調四夷化越裳來繼嗣平即賓連生於房戶賓連者木名也連累相承故生於房戶象繼嗣也日曆得其分即莫莢生於階間莫莢者樹名也月一日一莢生十五日畢至十六日一莢去故夾階而生以明日月也賢不肖位不踰即平露生於庭平露者樹名也官位得其人即生不得其人即死矣狐九尾何狐死首丘不忘本也明安不忘危也必九尾者九配得其所子孫繁息也于尾者明後當盛也景星者大星也月或不見景星常見可以夜作者益於民人也甘露者美

露也降則物無不盛朱草者赤草也可以染絳別尊卑也醴泉者美泉也狀如醴酒可以養老嘉禾者大木也成王之時有三苗貫桑而生同為一穗大幾盈車長幾一穗意天下其和為一乎後果有越裳氏重譯而來矣

增又曰王者繼嗣平明則賓連生於戶闕達生於房

瑞應圖曰闕達一名連達又曰王者使賢不肖位不相踰則平露生庭狀如蓋一名平慮又曰蓬蒲木名王者孝道至則出庖廚其葉大如門扇不搖自扇

原孫氏瑞應圖曰金牛瑞器也王者土地開闢則金牛至又曰玉馬

者瑞氣也王者清明篤賢則至 又曰玉龜者師曠時
出河東之涯爲聖圖出河負籙識書 **增**又曰嘉禾五
穀之長王者德茂則生 又曰王者恩加耆老則白兔
見 山海經曰丹穴之山有鳥名曰鳳皇自歌自舞見
則天下大安寧 董仲舒曰太平之世雪不封條 漢
終軍白麟奇木對曰野獸并角明同本也衆枝內附示
無外也 論衡曰儒者論太平瑞應皆言氣物卓異朱
草醴泉祥風甘露景星嘉禾萐莆蓂莢屈軼之屬又言
山出車澤出馬男女異路市無二價耕者讓畔班白不
提挈關梁不閉道不擄掠風不鳴條雨不破塊五日一

風十日一雨其盛茂者致黃龍麒麟鳳皇夫儒者之言
溢於過實瑞應之物或無失言鳳皇麒麟之屬大瑞較
然不得增飾其小瑞徵應恐多不是夫風氣雨露本當
和適其言風祥露甘風不鳴條雨不破塊何也言五日
一風十日一雨褒之甚也 漢書注張揖曰解廡似鹿
而一角人君賞罰得中則生於朝廷觸不直者 宋志
曰王者德至太和氣盛則甘露降耆老見敬則柏受甘
露尊賢愛老則竹受甘露 又曰白玉甕不汲而滿王
者清廉則出 又曰明月珠王者不盡介鱗之物則出
又曰王者德澤純洽八方合爲一則木連理生 又

曰華乎其枝平正王者有德則生德剛則仰德弱則低
又曰芝草王者仁慈則生 又曰福草者宗廟肅則
生宗廟之中 注福草即芝草也 又曰跣蹄者后土之獸自能
言語王者仁孝則來 又曰天鹿者純靈之獸也五色
光耀洞明王者道備則至角端者日行萬八千里又曉
四夷之語聖明在位明達方外幽遠之事則奉書而至
唐志曰禮部掌祥瑞凡景星慶雲為大瑞其名物六
十有四白狼赤兔為上瑞其名物三十有八蒼鳥赤雁
為中瑞其名物三十有二嘉禾芝草木連理為下瑞其
名物十四大瑞則百官詣闕奉賀餘瑞歲終員外郎以

聞有司告廟

祥瑞二

增拾遺記曰炎帝教民耒耜百穀滋阜神芝發其色靈
苗擢佳穎朱草蔓於階卿雲蕩於巖 **原**呂氏春秋曰
凡帝王將興天先見祥昔黃帝祭天先見大螻蟪黃帝
曰土氣勝故其色上黃其事則土及禹之時天先見草
木秋冬不殺禹曰木氣勝故其色上青其事則木成湯
之時天先見金刃生八水湯曰金氣勝故其色上白其
事則金也文王時天先見火赤鳥銜丹書集於周社上
文王曰火氣勝故其色上赤其事則火 **韓詩外傳曰**

帝王部

祥瑞部卷四十九

祥瑞

二

黃帝即位鳳乃止於帝東園集帝梧桐樹食帝竹實沒身不去 **增**左傳郊子曰黃帝以雲紀註曰有雲瑞以雲紀事服虔云黃帝受命得景雲之瑞 **宋志**曰黃帝有景星之瑞有赤方氣與青方氣相連赤方中有兩星青方中有一星凡三星皆黃色以天清明時見於攝提名曰景星 帝王世紀曰黃帝時有草生於庭若佞人入朝則指之名曰屈軼 **原**左傳曰少昊氏立鳳鳥適至孔安國注尚書曰雉曰鳳雌曰皇靈鳥也 **增**尸子曰少昊邑於窮桑日五色互照 **原**帝王世紀曰堯治天下大和景星曜於天甘露降於地朱草生於郊鳳皇

止於庭嘉禾莩於畝醴泉湧於山樵饒民來貢珍羽廚中自生肉脯其薄如翼形搖鼓自生風使食物寒而不臭名曰翼脯又有草夾階而生隨月生死王者以是占日月之數惟盛德之君應和而生名之莫莢 又曰堯率諸侯羣臣沈璧於洛河受圖書今尚書中候握河紀之篇是也 尚書中候曰帝堯即政七十載甘露潤澤醴泉出山 又曰朕率羣臣沈璧於洛河良俟於下稷赤光起元龜負書出赤文成字 帝王世紀曰舜時景星曜於房羣瑞畢致地出乘黃舜於是德被天下薦於天使禹攝政 **增**尚書大傳曰舜時俊乂百工相和而

帝王世紀 尚書大傳 祥瑞

歌卿雲帝倡之曰卿雲爛兮糺縵縵兮日月光華旦復
旦兮八伯咸稽首曰明明上天爛然星陳日月光華弘
於一人帝乃載歌曰日月有常星辰有行四時從經百
姓允臧 晉中興休祥說曰嘉禾者仁草也夏異本同
穎殷同本異秀周三穎同秀 **原**禮合文嘉曰禹卑宮
室垂意於溝洫百穀用成神龍至靈龜服玉女敬養天
賜 呂氏春秋曰禹南濟乎江黃龍負舟 **增**開山圖
曰禹開宛委山得赤珪如日碧珪如月長一尺二寸
金陵驗異錄曰五星聚有三周將代殷聚於房齊威將
霸聚於箕漢高入關聚於東井 **原**墨子曰赤烏銜珪

降周之岐社

詳符命

增鹽鐵論曰周公太平之時雨不

破塊旬而一雨雨必以夜 金陵驗異錄曰四星聚者

有四漢元始四年四星聚柳張光武復興於洛晉永嘉

六年四星聚牛女元帝復興於揚土漢初平元年四星

又聚箕尾魏武定兗豫建安二十二年四星各一聚劉

裕有天下 晉元帝紀四星歲 **原**史記曰高祖為泗上

亭長常從王媪武負貫酒飲醉臥武負王媪見其上常

有龍怪之高祖每留飲酒讎數倍 **增**漢志曰文帝時

日中有王字 **原**漢書曰孝武皇帝行幸東海獲赤雁

作朱雁之歌 又曰武帝行幸雍祠五時獲白麟作白

帝王部 祥瑞

麟之歌 又曰武帝元封二年詔曰甘泉之宮中產芝
九莖連葉作芝房之歌 又曰元鼎四年得寶鼎后土
祠旁秋馬生渥洼水中作寶鼎天馬之歌 又曰宣帝
時東浮大河神魚舞於河 晉漢郊祀志曰宣帝十三
年幸河東祠后土有神雀集改元為神爵明年正月鳳
皇集祓禊於所集處得玉寶起步壽宮後間歲鳳皇神
爵甘露降集京師赦天下其冬鳳皇集上林乃作鳳皇
殿以荅嘉瑞明年改元五鳳後又改元甘露有黃龍見
新豐又改元黃龍 原東觀漢記曰光武中元元年上
幸長安祠長陵還洛陽宮是時醴泉出於京師郡國飲

醴泉者痼疾皆愈獨眇蹇者不瘥 又曰有赤草生於
水涯郡國上甘露降羣臣上言地祇靈應而朱草萌宜
命太史撰具郡國所上上不聽是以史官鮮記焉 增
天中記曰光武生時鳳皇來集濟陽故宮皆畫鳳皇之
瑞 原又曰章帝元和二年鳳皇三十九麒麟五十一
白虎二十九黃龍四青龍黃鵠鸞鳥神馬神雀九尾狐
三足烏赤烏白兔白鹿白燕白鵲甘露嘉瓜秬秠明珠
芝英華平朱草木連理實日月不絕載於史官不可勝
紀 魏略曰魏文帝神龜出於靈芝池 增魏志曰黃
初元年柴於繁陽有黃鳥銜丹書集尚書臺於是改元

原吳錄曰赤鳥十二年寶鼎見於臨平湖中 **增**晉武紀曰泰始三年氏池縣大柳谷有元石白畫成文實大晉之休祥詔以製幣告於太廟藏之天府 **原**王隱晉書曰懷帝永嘉元年有玉龜出灞水 晉中興書曰昔秦始皇東遊望氣者云五百年後東南金陵之地有天子氣於是始皇改為秣陵塹北山絕其勢今建康即秣陵西北界所塹即建康南淮中也按始皇東遊之歲至孫權僭號四百三十七年考之年數既不合校之基宇又非倫豈應帝王之符而見兆於上代乎有晉金行奄君四海金陵之祥其在斯矣且秦政東遊至今五百

二十六年所謂五百年後當有王者也 **增**唐高祖冊文曰翠鳳棲梧丹魚在藻水浮元貝階榮朱草 唐太宗冊文曰文龜浮沼應龍在淀滴露飛甘卿雲呈綯 唐鑑曰太宗貞觀二年上曰比見羣臣屢上表賀祥瑞夫家給人足而無瑞不害為堯舜百姓愁怨而多瑞不害為桀紂後魏之世吏焚連理煮白雉而食之豈足為至治乎嘗有白鵲構巢於寢殿之上合歡如腰鼓左右稱賀上曰我嘗笑隋煬帝好祥瑞瑞在得賢此何足賀命毀其巢縱鵲於野外 唐會要曰貞觀十二年滁州言野蠶成繭徧於山阜至十三年野蠶又食柰葉成繭

帝王部 祥瑞

大如柰色綠凡收六千五百餘石十四年正月元日陝州界內二百餘里河水變清四月乃止十六年有雄雉飛集東宮明德殿前上問褚遂良是何祥也對曰昔秦文公時有童子化為雉雌者鳴於陳寶雄者鳴於南陽童子言得雌者霸文公遂為寶雞祠漢光武得雄遂起南陽而有四海陛下舊封秦王故雄雉見於秦地所以彰表明德也十七年太子寢室中產素芝十四莖並為龍鳳形十八年山南獻木連理交錯玲瓏有同羅木一丈之幹並枝者二十餘所二十年汾州言青龍白龍見白龍吐物初在空中有光如火至地陷入二尺掘之得

元金也二十一年玉華宮李連理隔澗合枝 張說述

聖頌曰帝昔居是邦也紫雲在天神光照室白鹿來擾

黃龍上升隴出仙洞而神魚躍山開禪穴而靈鐘韻謠

言合讖巨跡引途嘉李旁連神著自起景龍二年明皇兼潞州別駕前

後符瑞凡一十九事唐寶錄曰開元二十一年左丞相蕭嵩等

奏曰所司奏今年祥瑞祥風起日抱戴嘉禾秀芝草生

甘露降醴泉涌木連理瓜同蒂竹再生李成實馴鳩元

鶴慈烏鵲鴛寶鼎魚銘錢刀軌字等二十有一事臣聞

惟德感神惟祥作聖祥風昭乎號令抱戴表以納忠嘉

禾主於同文芝草明於敬老甘露灑神靈之液醴泉發

帝上祥瑞

德澤之滋草木秀其地靈羽毛呈其天瑞其餘山川異
氣器用殊姿不可勝紀請宣付史館從之 唐大曆十
二年成都人郭遠獲瑞木有文曰天下太平四字獻之
宰臣賀曰至德之化先貴草木太平之時遂形文字望
藏祕閣付史館 玉海曰宋太平興國九年十月即雍
熙元年十一月改元 嵐州獻牝獸一角如鹿無班角端有肉性馴善
人不能辨示羣臣參驗以聞徐鉉滕中正王祐等引國
史以為祥麟宰相宋琪等表賀上曰珍禽奇獸無濟於
事非朕所尚方內大寧風俗淳厚此為上瑞近年禽獸
之異者所獻甚多止令畜於園囿遂生生之性不欲宣

揚於外琪等奏曰禽獸草木之異皆帝王德化所感而
生前古無不編錄今陛下謙而不有中外無由得知使
一代簡書有所缺漏欲望具錄瑞物名數圖寫宣付史
館從之乙未內出瑞物三十六種白鹿六白兔十一黑
兔一紫兔一白麀四白雉一白鵠二白鳩一紫鵠一白
鶉一白鸚鵡一蒼鸚鵡白山鵲五綠山鵲一紅山鵲一
白雀四白鼠二白鼯勝三蒼鳥一白山鴉一赤鳥一白
鷹五白鷺鷥鷹二白鵲一赤鵲一白鵲一白鸚鵡一白
銅鬚一青花山鵲一琪等拜表稱謝 玉海曰宋端拱
元年廣州言清遠縣有合歡木高百餘尺今年三月十

日有鳳高六尺栖集其上衆禽從之木下生芝草三莖
又曰祥符元年封泰山十月壬辰天文院言紫雲如
蓋黃雲如龍鳳青雲如竹木名梢雲瑞應圖曰人君德至則出若木梢然
戊戌五色雲環日己酉紫雲如蓋起泰山頂俄變黃色
穆清殿御座後有白雲如幡幢龍鳳之狀召宰相登亭
觀俄頃成五色復有黃雲如虹橋葩蓋詔名亭曰瑞雲
又曰祥符元年天書至自泰山宰相王旦言真牒降
於神房醴泉浦於陽址芝葩競秀雲旗交輝 又曰祥
符元年直史館張知白請以泰山諸瑞命良工繪之一
本藏祕閣傳於不朽一本以備玉清昭應宮圖辟從之

五年丁謂等又上汾陽祥瑞圖百四十八軸與東封所
錄並繪於玉清昭應宮東西廡 又曰祥符二年昭應
宮瑞木斲之有文如點漆體若梵書 又曰祥符四年
九月日有輝珥承氣五色雲如飛鳳輔日 又曰祥符
七年三月漳州龍溪得珠圍闊三寸七分中有小珠七
顆如七曜次如七曜者不可勝數守臣王冕表進曰熒
煌外散於月華皎潔內含於星彩遐稽信史迴異照乘
之光洞究祥經弗類媚川之色 韓琦家傳曰天聖五
年初臨軒試進士公名在第二太史奏日下五色雲見
左右從官賀殿上 玉海曰宋皇祐三年眉州彭山縣

上瑞麥圖凡一莖五穗者數十本上曰朕比禁四方無
獻瑞物今得西川麥秀圖可謂真瑞矣賜田夫束帛以
勸之六月無為獻芝草上曰朕以豐年為瑞賢人為寶
至於草木魚蟲之異焉足尚哉自今母得以聞 宋會
要曰乾道九年十一月親郊宰臣奏曰郊祀禮成兼以
瑞雪應時未明而霽以至青城齋宿園丘藏事天氣澄
爽此皆聖德昭著高穹降格上曰君臣之間正當修飭
以答天貺 遼史曰神冊元年上太祖尊號闕地為壇
得金鈴因名其地曰金鈴岡 又曰神冊六年圍涿州
有白兔緣壘而上是日破其郭 金史曰太祖收國元

年與遼戰有火光正圓自空而墜上曰此祥徵殆天
助也酌白水而拜 金史五行志曰世宗大定十三年
策試進士于憫忠寺夜半忽聞音樂聲起東塔上西達
於宮考官等以為文運始開得賢之兆 又曰章帝泰
和二年鳳皇見於磁州武安縣鼓山石聖臺以其事告
宗廟詔天下 通鑑曰元成宗元貞元年蘭州河清三
日上下三百餘里 名山藏曰明太祖初年甘露降鍾
山羣臣稱賀請告宗廟頒示史館上曰朕慮忘戒而生
驕禎祥化為妖孽告宗廟頒示史館非所以示天下也
又曰明永樂二年獻騶虞百僚稱賀上謂侍臣曰古之

明主皆遇祥自警警忌之分安危之繫也朕敢不敬

又曰永樂三年河清於蒲津 又曰永樂三年關陝

獻嘉禾羣臣應制撰詩初上為燕王時嘉禾生北平以

獻太祖太祖御製詩賜上至是募勒拓本賜諸王近臣

又曰永樂十五年太液池水冰結為樓閣龍鳳花卉

象賜羣臣臨觀 又曰孝宗冊立為太子時詔至南京

瑞雲見孝陵如車蓋

祥瑞三

原火鳥 神馬 史記武王渡河中流白魚躍入於王舟

周又有火復於王屋流為鳥 式云麟鳳鸞龍騶虞白澤神馬為大瑞隨即奏之應奏不奏杖八十

浪

鼎 醴泉 典略曰浪井不鑿而成孫氏瑞圖曰浪井不

浪 金芝 華木 漢宣帝時嘉穀元稷降于

殿銅池中金芝如金銅池承露也 九莖產于函德

式云元珠明珠玉英曰白玉赤 威鳳 神雀 神珍

文紫玉黃鐵金滕並為上瑞 帝祉 三秀 五雲 靈物 瑞圖

呈祥 效靈 休徵 嘉瑞 禎祥 福應 增連珠

合璧 後漢天文志曰三皇萬化 和氣 天休 唐權

曰和氣治則祥應至 白麟 赤雁 祥見前 應德

書經君黃曰天休滋至 蒙福 明帝紀祥瑞之降以應有德 五鳳三年詔

非煙 助月 史記天官書若煙非煙若雲非雲蕭索輪

帝王部 祥瑞

祥瑞類函卷四十九

祥瑞

生於晦朔 助月為明 花葩 莫莢 崔豹古今注曰黃帝與蚩尤戰于涿鹿常有五色雲金枝

玉葉止于帝上有花葩之象因作華 木精 竹實 羊

注曰麟仁獸木之精也 晉毛詩疏 舍仁 覽德 廣

曰麟皇非梧桐不棲非竹實不食 賈誼予屈 一角 五

原賦曰鳳皇翔于千仞兮覽德輝而下之 章 五彩

章 春秋感精符曰鳳皇一角明海內共一王也 五彩

九苞 京房易傳曰麟有五彩 元符 黃瑞 文選典引

契黃瑞湧出注曰 瑞命 靈符 何晏 戩穀 極

休何晏 增華雪 瑞雨 南史曰宋大明五年正月華 寶鼎 金車 非

天私 禾同穎 木連理 書經序曰唐叔得禾異 增

步中規 首戴德 廣雅曰麟者行步中規折旋中矩 增

足履禮 順之實 和之極 禮運曰麟鳳在郊數故曰

則麟鳳至此和之極也 一角獸 三足鳥 漢公孫弘策

子曰舜至孝三足鳥集於庭 啓靈篇 披瑞圖 東都

白雉 甘露殿 瑞雲亭 魏明帝詔曰甘露屢降於 日

抱戴 月重輪 唐潘炎日抱戴 潘炎月重輪賦曰景龍元

年八月十四 山呼萬歲 洛出九疇 漢書曰武帝封

歲者三 孔安國曰河圖 原天降茂祉 神表靈貺

即八卦是洛書即九疇是 佳穀旅生 野蠶成繭 武

帝王部 祥瑞

祥瑞 卷四十九

祥瑞

祥瑞

時

增 青龍進駕

飛黃伏皂

淮南子曰黃帝時青龍進駕飛黃伏皂高誘曰

背上有角

萬年玉冊

九莖金芝

晉元帝紀有文曰出於江寧其文曰

長壽萬年

漢宣帝神爵元年詔

神光顯著

符瑞

並臻

神光顯著

白虎通曰陰陽和萬物序休氣充塞

符瑞

符瑞並臻皆

七曜順軌

三辰昭華

晉天文志曰三皇邁德七曜順

軌

金枝玉葉

天酒雲牙

上詳見前花

祐明堂赦文

采氣成龍

卿雲隨馬

史記

圖曰甘露一名天酒宋詩

采氣成龍

卿雲隨馬

史記

朝朝薦天酒寧讓服雲牙

采氣成龍

卿雲隨馬

史記

曰范增說項羽曰沛公志不在小吾望其氣皆成龍虎

采氣成龍

卿雲隨馬

史記

五采此天子氣也

采氣成龍

卿雲隨馬

史記

馬

音中律呂

食惟琅玕

劉向說苑曰麒麟音中律

所食惟

音中律呂

食惟琅玕

劉向說苑曰麒麟音中律

琅玕

麟遊郊藪

鳳鳴朝陽

禮記曰聖王用民必

詩經曰鳳皇鳴矣于彼高

連理映阜

鳴鳳棲柯

詩經曰

圖梧桐生矣于彼朝陽

連理映阜

鳴鳳棲柯

詩經曰

平慮植砌

朱草叢庭

搖風翠蕙

浴露朱英俱詳

萬靈禋社

三辰合慶

慶霄輪囷

德水清徹

天瑞磊砢

地符氛氲

天無蘊寶

地有呈祥

龜負綈檢

麟銜斗樞以上俱

涌露飛甘

慶雲呈

絢唐太宗

河色呈符

山聲告慶

天剖神符

合靈契揚雄劇秦

黑章擾囿

赤字浮河

山祇吐

祕

河靈孕寶出玉

丹甌呈豐

器車表德詳祥

煙雲紛郁

日月光華

青雲浮維

榮光塞河尚書

曰成王觀于洛沈璧禮畢

日月光華

青雲浮維

榮光塞河尚書

榮光並出塞河青雲浮洛

日月光華

青雲浮維

榮光塞河尚書

祥瑞

祥瑞

祥瑞

祥瑞

祥瑞

祥瑞

祥瑞

祥瑞

祥瑞

祥瑞

祥瑞

祥瑞

孫無忌賀 書載歸禾 詩詠鳴鳳 書序曰唐叔得禾

河清表 子王命唐叔歸周公于東作歸禾 雲潤星輝 風揚

月至 俱班固 青雲干呂 東風入律 帝天漢三年月

氏國獻神香使者云國有常占東風入律十旬 四神

不休青雲干呂連月不散意中國有好道之君 踐雪 五老飛星 金匱曰武王伐紂都洛邑未成大雪

外欲謁武王尚父曰五車兩騎是四海之神與河伯雨 符命 黃銀揆彩 紫玉搗英 封禪書殷得金德銀自

乘金而王則 澤馬飛鑣 山輿結轍 論衡曰太平瑞

黃銀紫玉現 素雉朱鳥 元拒黃蓂 出班固 疊

馬二聯俱出王 窮靈極祉 出玉 丹羽儀韶 翠黃承轡 唐

賦駢祥 窮靈極祉 海 丹羽儀韶 翠黃承轡 太

宗頌 彰有德之象 表無疆之休 增黃雲履鼎上

白雲起封中 漢郊祀志曰元鼎四年迎寶鼎至中山

有白雲 天其申命用休 福皆不召而至 上出書經

出封中 星為元氣之英 雪兆豐年之瑞 三星曆記曰景星

精也 謝惠連雪賦曰 五百里賢人聚 一千年王

盈尺則呈瑞於豐年 者生 太史奏曰五百里內有賢人聚 春秋感應圖曰

黃河千年一清丹丘千 納儻之珍羽 受王母之

白環 帝王世紀曰堯時儻民來貢珍羽 文選 芝

房寶鼎升于樂府 神雀甘露標為年紀 兩都 赤文

綠字候日舒華 龍檢芝泥浮河絢采 赤文綠字出尚

帝元 祥瑞 祥瑞

詳祥瑞二 河圖曰舜即位黃龍五 西鷄南雉之書

采負圖玉檢金繩芝為泥黃玉為碑 俱長孫無忌 賀河清表

日至月書 連珠湧醴之徵雲霧霧集

繪在禁嚴契龍圖之瑞物 播之雅頌參乾德之樂章

上天之載無聲所助者順 諸福之物畢至永孚于

休 章騰郡國闔數千百所之祥 喜動公卿上於萬

斯年之頌 頽莖素毳并柯共德之瑞每不勝書 象

輿丹甌昭華延喜之珍不求自至 以上俱 玉海

祥瑞四

會天符 四子講德論曰天 地符 王元長曲水詩序 曰天瑞降地符升

景風 風即祥風也 效珍 東都賦寶鼎詩曰 岳修貢兮川効珍 祕寶 班固

典引山御東序之 祕寶注曰河圖也 十瑞 述異記曰堯 時有十瑞 曜文 晉武華 林詩曰

天垂其象 青光 唐實錄曰開元十九年興慶宮親耕 地曜其文 三百餘步既而有青光紫氣覆地

器車 禮記詳 瑞石 地理志曰唐高祖時于北都獲 壇祀以少牢五行志曰貞觀 瑞石有文曰李淵萬吉築受瑞

瑞應圖曰王者宴不及 金船 孫氏瑞應圖曰王者德 醉刑罰中則銀甕出焉 金船 盛則金人下乘金船游

王後 金勝 宋志曰國平盜賊出 金芝 漢宣帝紀曰 池 芝九莖產于滌 玉芝 唐志曰天寶七載三 元康四年金

德殿銅池中 玉芝 月大同殿柱產玉芝 賓連 木 名

闊達 木 平露 木 蔓竹 紫脫 華平 木 名 上 俱詳祥

瑞 蓮旗 玉海曰宋紹興二十五年十月 瑞竹 玉海 曰宋

皇祐二年後苑生瑞竹一本 跌蹄 后土之歌 騶虞

兩莖羣臣多為賦頌以獻 祥瑞

祥瑞

祥瑞

祥瑞

祥瑞

祥瑞

祥瑞

祥瑞

祥瑞

祥瑞

祥瑞

詩經注曰騶虞義獸也 有至聖之德則應之 角端詳祥 鸞鷟之興也 鸞

鷟鳴于岐山 神爵 漢書曰元康四年神爵五采以 注鸞鳳別名 神爵 萬數集長樂宮明年改元神爵

黃鵠 漢昭帝紀曰元始元年黃 白虎 論曰今南郡獲 黃鵠 漢昭帝紀曰元始元年黃 白虎 論曰今南郡獲

文之應也 魚銘 唐開元二十一年衢州獲魚 重輪 宋元符二年日重 五色露 洞冥記曰東方朔遊

吉樂之事則滿空雲氣 日衣青光 春秋元命苞曰伐 著于草木皆成五色露 日衣青光 殷者姬昌日衣青

光 五雲冠 晉紀武帝太康元 日宣重光 倪寬傳 元年登封泰山倪寬上壽曰癸亥宗祀 填星如瓜 漢

元宣重光符瑞圖曰日外一暈更赤也 神光三燭 漢 祀志曰元封四年秋填星出如瓜有司 雲成宮闕 祭志

紀曰元封四年詔曰朕躬祭后土 雲成宮闕 祭志 地祇見光集于靈壇一夜三燭

武封泰山雲氣成 協風應律 陸雲夏 宮闕百官咸見之 珠躔麗極 唐開元二十四年八月

上建平王書景景 珠躔麗極 唐開元二十四年八月 星也醴醴泉也 丹莫候魄 河光吐榮 玉版祕記 海

疑商極 丹莫候魄 河光吐榮 玉版祕記 海 曰唐天寶八載方上索渾上言見太白

老人告玉版祕記事因是羣臣上帝號 合符釜山 史 黃帝紀索隱詳曰東方朔云東海大明之墟有釜山出

瑞雲應王者符命如堯有赤雲之祥黃帝有黃雲之瑞 故曰合符 白馬朱鬣 禮緯曰白馬朱 麟趾裏蹠 武

應于釜山 白馬朱鬣 禮緯曰白馬朱 麟趾裏蹠 武 帝紀曰太始二年三月詔有司議曰泰山見黃金宜改

故名今改金曰麟趾裏蹠以協瑞焉注曰金有常形欲 表祥瑞改鑄為 白麟奇木 漢終軍傳曰武帝幸雍祠

麟趾裏蹠之形 白麟奇木 漢終軍傳曰武帝幸雍祠 又得奇木一枝旁 白狼銜鈎 田隸子曰湯都亳有神

出輒復合於木上 白狼銜鈎 田隸子曰湯都亳有神 庭入湯 晉陵金鐸 東晉王廙疏曰晉陵有金 疇德瑞

庭入湯 晉陵金鐸 東晉王廙疏曰晉陵有金 疇德瑞 帝下部 鼎鑑類考卷四十九 祥瑞

帝下部 鼎鑑類考卷四十九 祥瑞

帝下部 鼎鑑類考卷四十九 祥瑞

帝下部 鼎鑑類考卷四十九 祥瑞

聖圖 精白馬賦曰有騰光吐
圖疇 德瑞聖之符焉
註曰 逢其吉
瑞當于 佳辰
逢吉丁辰
班固典引 丁辰景命也

書 至德光大動于天地 乾符坤珍超圖溢牒 白

鳩丹鳥素魚斷蛇方斯蔑矣

祥瑞五

原賦 魏劉邵喜瑞賦曰乾坤交泰嘉瑞降靈皓雉呈其

潔質素威效其人形白兔揚其翰耀黃龍耀其神精章

光列之焯耀顯休微之有成昔聖王之降瑞或卓爾而

弗經猶著美於篇籍貽來葉而垂名實名德之所墜宜

允納而是丁信無思而不服又何遠之不寧方得收麒

麟於元圃棲鳳皇於軒樞舞鸞鳥於中唐聆鸞鷲之和

鳴弄萋蒲之華芳翫朱草之丹榮承靈祚而建基垂遐

福於億齡超三五而無儔與泰初乎齊聲 **張衡東**

京賦曰總集瑞命備致嘉祥園林氏之騶虞擾澤馬與

騰黃鳴女牀之鸞鳥舞丹穴之鳳皇植華平于春圃豐

朱草于中唐

原頌 魏何晏瑞頌曰若稽古帝魏武欽明文思罄民生

之後德懿前烈之極休先天而天弗違後天而奉天時

聿迪明命肇落皇基夫居高聽卑乾之紀也靡德不酬

坤之理也故靈符頻繁眾瑞仍章通政辰修玉燭告祥

祥瑞

祥瑞

祥瑞

祥瑞

祥瑞

祥瑞

和風播烈景星揚光應龍遊於華澤鳳鳥鳴於高岡麒麟依於圃籬虎類於坳疆鹿之麋麋載素其色雉之朝雉亦白其服交交黃鳥信我中雷儵儵嘉苗吐穎田疇

原表周王褒上祥瑞表曰明王孝治岳瀆所以效靈至人澤及風雲以之懸感是以若霧非霧天道叶至德之符似煙非煙觸石表嘉祥之氣元黃蕭索之輝丹紫輪囷之狀豈止唐帝沈辭氣合金方姬后望河形如車蓋增唐張說奏慶山醴泉表曰臣聞至德洞微天鑒不遠休徵祕景時和則見是知縣代曠曆慶謀祥經帝王

有必感之符神靈無虛出之瑞伏惟陛下金鏡御天璿衡考政欽若元象弘濟蒼旻茂功將大造混成純化與陽和俱扇朝百神之樂職宅萬國之歡心嘉氣內充淫雨外息豈止搖風紀月之草列蒔于階廚儀簫御籙之禽相鳴於戶閣而已固有發禎厚載抽貺泉源表元德之潛通顯黃祇之昭報 宋林希奏祥瑞表曰聖人出而四海清帝命昭而萬靈集必致諸福之物以表太平之符伏惟陛下體堯之仁躬舜之孝力行勤儉而本以化物誠意惻怛而出於愛民是以指揮之間功業成就覆載之內陰陽協和蒙被羣生浹肌膚而淪骨髓涵濡

異類霑動植而洽飛翔仰而觀者景星慶雲俯而視者醴泉甘露扶疎燁燿發為朱草三秀之英游泳服馴則有白麟一角之異嘉葩連理之木異畝同穎之禾鵲巢可附而窺池龍可豢而擾謂宜作為聲詩而奏於郊廟深詔太史而著之簡編以永無疆之休以昭特起之績考諸已往固可謂絕世之殊祥抑而弗宣猶以為盛德之餘事自時可紀殆不絕書今者駕鸞輅以克明庭撞黃鐘而御太極典禮大備官儀一新殊方駿奔重譯輻輳自昔辨髮卉裳羈縻之所未至踰沙軼漢言語之所未通咸奉玉帛而介九賓襲衣冠而獻萬壽烜赫威德

冠古超今魏魏煌煌傳示人極鋪張王會之眾美褒對皇家之盛容臣等躬率有司伏尋故事參稽圖牒宜先象齒之珍敷道句臚敢上龍池之奏歡呼抃蹈倍萬常情

增序末晏殊兩朝祥瑞贊序曰二聖膺運天人協贊符命沓臻三象騰輝五靈狎至露胎雲蔚泉湧河清紛綸乎華芝茂衍乎嘉穀羽毛之族萬變呈姿卉木之倫千名著異爰稽眾瑞列績殊庭乃詔羣臣並為贊述

增詩唐王維大同殿生玉芝龍池上有慶雲賜宴即事詩曰欲笑周文歌宴鎬還欽漢武樂橫汾豈如玉殿生

三秀詎有銅池出五雲陌上堯尊傾北斗樓前舜樂動南熏共歡天意同人意萬歲千秋奉聖君

增策文唐賢良方正策問曰朕聞明王闡化感人靈之心聖后宣風移動植之性遂使翔龍薦檢鳴鳳司晨獸解識邪草能指佞仰惟前烈何德而臻此乎朕逖稽遂初載欽神化每欲反斯熒薄景彼上皇欲使瑞蓮司庖仙萸候月遊四靈於翠苑集五老於滎河致此休徵良由政感佇聞啓沃以副虛襟對曰臣聞化浹乾樞景緯呈其靈貺澤周坤絡卉木效其禎祥是以若霧非煙必應文明之后九莖三秀允符光宅之君陛下應期納籙

撫運登皇孝道格於蒼穹仁心光於紫極自臨萬域輯御羣方靈瑞屢臻休徵洊至五蹄仁獸樂君囿而來遊六象威禽拂帝梧而萃止豈直銀黃玉紫雉白鳥丹翮上之二桴拔江間之三脊固亦巡河授檢拜洛披圖降五老於星躔歸四神於雲路盛矣美矣巍乎煥乎躡三五以騰徽吞八九而高視尚且崇謙讓之道守沖樞之德抑斯天瑞訪此人謀陛下雖不宰其成功微臣亦不知其所謂大節道對

福祿一

增詩小雅曰天保定爾亦孔之固俾爾單厚何福不除

俾爾多益以莫不庶天保定爾俾爾戩穀罄無不宜受
天百祿降爾遐福惟日不足天保定爾以莫不興如山
如阜如岡如陵如川之方至以莫不增如月之恒如日
之升如南山之壽不騫不崩如松柏之茂無不爾或承
詩魯頌曰俾爾熾而昌俾爾壽而臧保彼東方魯邦
是常不虧不崩不震不騰三壽作朋如岡如陵俾爾昌
而熾俾爾富而壽黃髮台背壽考與試俾爾昌而大俾
爾耆而艾萬有千歲眉壽無有害天錫公純嘏眉壽保
魯居常與許復周公之宇魯侯燕喜令妻壽母宜大夫
士庶邦國是有既多受祉黃髮兒齒 莊子曰堯觀乎

華華封人曰嘻聖人請祝聖人使聖人壽堯曰辭使聖
人富堯曰辭使聖人多男子堯曰辭封人曰壽富多男
子人之所欲也女獨不欲何耶堯曰多男子則多懼富
則多事壽則多辱是三者非所以養德也封人曰天生
萬民必授之職多男子而授之職何懼之有富而使人
分之何事之有夫聖人鷄居而穀食鳥行而無彰天下
有道則與物皆昌天下無道則修德就閒千歲厭世去
而上仙乘彼白雲至於帝鄉三患莫至身常無殃何辱
之有

福祿二

帝王部

尚書卷四十九

福祿

三

增長發其祥

有秩斯祜

一人有慶

萬壽無疆

經昌熾

長生

上出詩魯頌詳福祿一莊子黃帝問於廣成子曰必清必靜毋勞汝形毋

夢九齡

以長久廣成子曰必清必靜毋勞汝形毋

搖汝精乃可以長生故我修千二百歲矣

呼萬歲

呼萬歲

禮記文王世子曰武王夢帝與我九齡文王曰古之謂年齡歲亦齡也我百爾九十五吾與爾三

馬

漢書武帝封泰

申命用休

降年有永

殷高

摩銅狄

奉玉卮

搜神記曰適見鑄此今已五百年矣

獻椒花

種桃實

晉書劉

史記曰漢高祖在未央宮

中奉玉卮為太上皇壽

獻椒花

種桃實

漢武帝內傳曰

日獻椒花

頌曰聖容映之永壽于萬

種桃實

漢武帝內傳曰

西王母降出桃五枚與帝帝留核欲種母曰三千年結

子非下土

八千春秋

四百甲子

古有大椿者以八

千歲為春八千歲為秋

臣生之歲正月甲子朔四百有四十五甲子

左傳絳縣老人曰

提福

提福

提福

錫羨

相如難蜀父老曰遐邇一體中外禔福揚錫羨雄甘泉賦曰卹肩錫羨注曰錫與也羨饒也

篋受萬年之算

洛書開五福之祥

出翰苑

丹冥投

烽

曹植求自試表註曰丹

商雲結幄爛

南極於紫霄

元日稱觴介東朝之黃髮

雲成五色

重瞻瑞日之光

花覆千宮共祝大椿之歲 已標仙

籍之長生

式播皇風於不朽 一人有慶遙瞻北闕

之尊

萬壽無疆願效南山之祝 思齊所以聖佇觀

則百之男

天保莫不增更祝無疆之壽 則百斯男

願嗣文母徽音之雅

既多受祉載賡魯侯燕喜之詩

幸與庶民同被皇極斂敷之福

更祈聖壽不殊華

帝王部

增益真函卷四十九

福祿

四

封請祝之辭以上俱出翰苑新書

福祿三

原惟予一人膺受多福 永言配命自求多福 既有

淫威降福孔夷 實受其福 永膺多福 降福穰穰

降福簡簡 千祿百福 子孫千億 愷悌君子

千祿愷悌 百祿是道 百祿是荷 受天百祿 天

被爾祿 天應之德 祈天永命 承天之祜 受天

之祜 天錫純嘏 永錫祚胤 萬壽無期 南山之

壽 釐爾女士從以孫子 君子萬年景命有僕 必

有世祀 萬世不絕 無疆之休 於萬斯年 天惟

純俗命則商實 維天之命於穆不已 卜世三十

卜年八百 **增**聿懷多福 詩 天壽平格 書 期頤 禮

百年曰頤 綏我耆壽介以繁祉 壽考維祺 俱詩 祿

位名壽 尊富饗保 俱中 五福 洪範九 仁壽 董子

舜行德則 虎拜 詩經曰虎拜稽 兕觥 詩經曰稱彼

民仁壽 古帝壽考 韓愈佛骨表曰黃帝百十歲少昊百八

歲舜禹湯皆百歲 安愈 張衡東京賦曰膺多 逆釐

文武九十餘歲 安綏天保 陸機宣猷堂詩

三神 感動天地逆釐三神 安綏天保 曰儀刑祖宗安

綏天 壽于箕翼 荀子富國篇曰國

保 壽于箕翼 安磐石壽于箕翼

